



सानसेयारि **“बड’सा”** ख्रीरालाइयाव  
ख्माज्यादि जिउजो लोब्बा थानाय रायथाय, खन्थाय,  
खल’, खल’बाथा आबो दावबायादि थावनि, पार्क  
बाइदिनि सायाव लिन्नाय लिन्दिबाँ दैथाय डर्/  
सानसेयारि **“बड’सा”** ख्रीरालाइया सेबखानाबै  
फोसावगेन/  
बड’सायाव लिन्डर्नायनि हुडा खालाम,  
**“बड’सा”** ख्री नोथां, जो बयबो आंगो खालाम/  
**सानसेयारि बड’सा मावखलि**  
माइबं नोगोर, जोहोलाव दैमालु लामा  
**कक्राझार, बिटिसि-783370**  
Website: [www.bodosanewspaper.com](http://www.bodosanewspaper.com)

BODOSA ★ A Bodo News Daily ★ Friday ★ 6 June, 2025 Kokrajhar, BTC, Assam ★ Vol.-35, Issue No. 72 ★ R.N.I.Regd.No. 40994/91, Assam Govt. Regd.No.IPRD.40/2006/3, Rs.8/-

## गिबि मन्थि ड॰ हिमन्त बिश्व शर्मा आ हाग्रा आरो आबहावा बिफाननो गं 129 गारिफोरखौ प्लेगअफ खालामनानै गथायबाय

### आसाम हाग्रा रैखाथि हान्जा बेटेलियननि कामान्डारफोरनो हाथियार गथायनायजों लोगोसेनो मोनसे वेब पर्टेल बेखेवदों

दिसपुर, 5 जुन : राइज्यो सरकारनि हाग्रा आरो आबहावा बिफाननि बान्जायनायाव दिने गुवाहाटीनि श्रीमन्त शंकरदेव कलाक्षेत्रआव खुंनाय मुलुगनां आबहावा सानआव आसामनि गिबि मन्थि ड॰ हिमन्त बिश्व शर्मा आ बाहागो लाफेदों। आबहावा रैखाथिनि बिथिखव राइज्यो सरकारनि नाजानायखौ गोखोंथारे सिगांलां होनायाव हेफाजाब गोनां जानाय बायदिये खुंनाय हाबाफारिआव हाग्रा आरो आबहावा बिफाननि गं 129 गारिफोरखौ गिबि मन्थिआ प्लेगअफ खालामनानै होयो। बेनि अनगाथेबो बिथाड आसाम हाग्रा रैखाथि हान्जानि मोन्थाम बेटेलियननि कामान्डारफोरनो हाथियार गथायनायनि अनगाथेबो मोनसे वेब पर्टेलखोबो हाबाफारि बायदिये बेखेवना होयो। बेनि उनावनो गिबि मन्थिआ खौरंगिरिफोरजों बाध्रा बुंथिनाय समाव बुंदोंदि, गासै मुलुगजों लोगोसेनो दिने आसामआवबो मुलुगनां आबहावा (□ 6 बिलाइआव)



## लाभलिना बक्सिं एकाडेमिआ गोदान जोलैफोरनि गेजेराव थुलुंगाखां होगोनः गिबि मन्थि

### गिबि मन्थि ड॰ शर्मा आ लाभलिना बक्सिं एकाडेमिखौ बेखेवबाय



गुवाहाटी, 5 मे: गिबि मन्थि ड॰ बिमन्त बिश्व शर्मा आ दिने सा गुवाहाटीनि बरसन्दाआव मुलुगनाडारि थाखोनि बक्सार लाभलिना बरगहाइनि बान्जायनायाव गाइसनजानाय लाभलिना बक्सिं एकाडेमिखौ मोनसे गोथार हाबाफारिनि गेजेरजों बेखेवनानै होनायखौ नुनो मोन्दों। बेजों लोब्बा लाखिनानै खुंफुनाय हाबाफारियाव बाहागो लानानै गिबि मन्थिआ फोरमायदोंदि, (□ 6 बिलाइआव)

## तामुलपुर जिल्ला दुलाराय बर’ फरायसा आफादआ 5 जुन मुलुगनां आबहावा सान फालिदों



तामुलपुर, 5 जुन: गुबुन गुबुन जायगायाव दिने मुलुगनां आबहावा सानखौ फालिनायजों लोगोसे तामुलपुर जिल्ला दुलाराय बर’ फरायसा आफादआबो सानसेनि हाबाफारि लानानै 5 जुन 2025 ई बृहस्पतिवार सानआव जिल्ला एबसुनि बान्जायनायजों तामुलपुर दख’रा एबसुनि सिडव थानाय मादारबारि दालाय एबसुनि बेन्दोखव थानाय 1 नं बराखात सुपा गामियाव मुलुगनां आबहावा (□ 6 बिलाइआव)

## बालाफारायाव बिकेडब्लिउएसिआ मुलुगनां आबहावा सान फालिदों



भबानिपुर, 5 मे: बर’ कछारि अन्साइ गावखुंथाइ परिषदनि बान्जायनायाव दिने बजालि जिल्लानि बालाफारायाव थानाय सरुकेत्रि बर’ गोर्जो फरायसालिनि लांगोनायाव सानसेनि मेहेरगोनां हाबाफारिनि गेजेरजों मुलुगनां आबहावा सान फालिनायखौ नुनो मोन्दों। सानसेनि हाबाफारिजों मावकुंजाय बे मुलुगनां आबहावा (□ 6 बिलाइआव)

## बुहुमनां आबहावा सानजों लोब्बा लाखिनानै चिरांनि फाथालसानायाव बिफां फुलि गायदों

बड’सा थान्दै / चिरां, 5 जुन : बुहुमनां आबहावा सान 5 जुनखौ बिथा खालामनानै चिरां जिल्लानि 14 नं चिरां दुवार बिटिसि बियाबनि सिडव थानाय सिखना जोहोलाव नेसनेल पार्कनि आफांआव जोबखालांनाय (□ 6 बिलाइआव)



## ग’साइगाव बि.एड. फरायसालिमानि बान्जायनायाव मुलुगनां आबहावा साननि लोब्बायै बिफां गायदों

गसाइगाव, 5 जुन: ग’साइगाव बि.एड. फरायसालिमानि एकसटेसन चेल आरो बड’ सिक्सा संक्रिति न्यास जथायै बान्जायनानै ग’साइगाव महुखुमानि सिडव थानाय गसाइगाव बि.एड. फरायसालिमाजों खांजानाय (एडपटेड) जयमागुरि गामियाव मुलुगनां आबहावा सानजों लोब्बा लाखिनानै फां जौसेथा बिफां गायनाय हाबाफारि मावकुंदों। बिफांफोरनि गेजेराव दं-थाइजों, खान्थाल, नालेंकर, आवजार,

लिसु, देबदारु, क्रिष्णसुरा आरो गोबां। बिफांखौ गसाइगाव बि.एड. फरायसालिमाया जगायनानै होयो। (□ 6 बिलाइआव)



## बिटिसि बिसायख ’थिखौ लानानै बिपिएफ आरो इउपिपिएल दोलोआ गोहो दिन्थिनायनि मुखुब

कक्राझार, 5 जुन : बड’लेण्डनि गोहो खुंथाइआव फै नायनि राजखान्थि आरो फैगौ बिटिसि बिसायख ’थिखौ लानानै गोहो दिन्थिनाय महैर बड’लेण्डनि मोनै ओन्सोलारि दोलो इउपिपिएल आरो बिपिएफ दोलोखौ ओंखारनायखौ नुनो मोनदों। जर’खायै बिटिसिनि (□ 4 बिलाइआव)



## खरं फोनांजाबनाय रंखान्थियारि खाबु बांहोनो भारतआ 20 बिलियन डलार थिसनगोनः सर्बानन्द सनवाल

### भारतआ सोमखोर, रैखाथि, रेंगौथि आरो सागरआरि सोरथाथाइआरि इयुनखौ फोजौखांथारनांगोन

गोदान दिल्ली, 5 मे: नरबेनि अस्ल ’आव खुंफुनाय इण्डियान-सिफि हाबाफारियाव भारतनि मिर खरं, जाहाज रोगाथाइ आरो दै लामा मन्थि सर्बानन्द सनवालआ बिबुंथि होनायखौ नुनो मोन्दों। हाबाफारियाव मिर मन्थिआ साबना हामना खान्थि आरो थिसनथाइनि आबहावा, जाहाज दिहुन्थाइनि गोहो बांहोनाय, फोजौखां रंखान्थि राहा आरो सागरआरि खोन्दोआव जौगाखानायखौ बांहोनो थाखाय



रंखान्थियारि सानखान्थिफोरखौ भारतनि इयुन जौगाखानायनि

थाखाय गावनि बिबुंथियाव गुवारै (□ 6 बिलाइआव)

## बड’लेण्डनि मिथिंगा अन्सायगिरिफोरनि थाखाय मोजां खौरां

### चिखोना जोहोलाव माहारियारि पार्कखौ गोथारै बेखेवबाय

कक्राझार, 5 जुन : भारतनि माहारियारि पार्कनि मान सावगारियाव आरोबाव गंसे गोदान माहारियारि पार्कआ थिसनजादों। बेयो जाबाय बिटिसिनि गुबुन मोनसे हाग्रा ओन्सोल महैर मिथिजाबोनाय चिखोना जोहोलाव माहारियारि पार्क। मख’नो गोनांदि, दिने मुलुगनां आबहावा सानखालिनो हाबाफारि बायदिये चिखोना जोहोलाव माहारियारि पार्कखौ बेखेवनाय जाबाय। आसामनि 8 थि माहारियारि पार्कनि फारिनायाव थानाय एबा बिटिसिनि 3 थि माहारियारि पार्कनि जायगा लानाय चिखोना जोहोलाव



माहारियारि पार्कखौ दिने आसाम सरकारनि मन्थि उखांव गोरा ब्रम्स, एमएलए लरेन्स इस्लारि, बिटिसिनि मावकुं सोद्रोमा रन्जित बसुमतारीमोननि बाहागो लाफेनायाव गोथार हाबाफारिनि

गेजेरजों बिटिसिनि गाहाइ मावकुं सोद्रोमा प्रमद बर’आ गोथारै बेखेवना होयो। मख’नो गोनांदि, (□ 6 बिलाइआव)

## मोनसे गोबां सानआरि मिजिंआ दिने आबुं महर मोनबायः रबिराम ब्रह्म

### महरगिरि सभा ब्रह्मनि मुडव उदालगुरियाव आर्ट गेलारि बेखेवदों



उदालगुरि, 5 मे: आसामनि मुंदांखा सावगारि आरो महर बोगिरि सभा ब्रह्मनि गोसोखांथियाव बृहस्पतिवारव उदालगुरि आर्टजि भिलेजआव मोनसे आर्ट गेलारि बेखेवनायखौ नुनो मोन्दों। बे गेलारिखौ मोनसे गोथार हाबाफारिनि गेजेरजों बिटिसिनि लेडाइ गाहाइ मावकुं सोद्रोमा गबिन्द चन्द्र बसुमतारीआ बेखेवनानै होनायखौ नुनो मोन्दों। 1985 माइथायआव महरगिरि रबिराम ब्रह्मनि नाजानायाव उदालगुरि सहराव आर्टजि भिलेज मुनि मोनसे आर्ट फरायसालि गाइसनाय जादोंमोन। जाय आर्ट फरायसालिनिफ्राय 10 रोजानिफ्रायबो (□ 6 बिलाइआव)

## उदालगुरिनि गुबुन-गुबुन ओन्सोलफोराव मुलुगनां आबहावा सान फालिदों

उदालगुरि, 5 मे: भारतनि रेड क्रस ससाइटि, उदालगुरि जिल्ला दालाइसनि बान्जायनायाव दिने मोन्थाम ओन्सोलफोराव मुलुगनां आबहावा सानजों लोब्बा लाखिनानै बिफां फुलि गाइनाय एबा सांगांथियारि हाबाफारि खुंफुनायखौ नुनो मोन्दों। बेजों (□ 6 बिलाइआव)



## बाकसा जिल्ला खुंथाया मुलुगनां आबहावा सान फालिदों

मुसलपुर, 5 जुन: दिने 5 जुन, एबा मुलुगनां आबावहा सान। बे सानखौ गुबुन-गुबुन जायगायाव फालिनाय बादिनो बाकसा जिल्ला खुंथायाबो जिल्लानि सदर मुसलपुरआव थानाय मुसलपुर गोर्जोसिन गेजेर फरायसालिनि गेलैग्रा फोथाराव फालिनायखौ नुनो मोनो। बे फालिथायनि हाबाफारि बायदिये बाकसा जिल्लानि जिल्ला बैंगिरि श्री गौतम दासआ मुलुग आबहावा साननि फालिथायाव मुसलपुर जौसिन गेजेर फरायसालियाव मोनसे हाबाफारि फालिदोंमोन। बे मुलुगनां आबहावा साननि आयदाया जादों “प्लास्टिक गुबुले जानायखौ फोजोबनाय”। आबहावा आरो हाग्रा बिफान आरो (□ 6 बिलाइआव)

## सुजुगिरिनि खोलोम



# फेग्रा मुवा आरो गोर्लेफोर

सुबुं समाजाव सोरबाबा गात्रि जिराद फानना मुलाम्फा खामायदों आरो सोरबाबा गात्रि जिरादखौं बासायनानै अबथिरा जिउ गोमानादों। बे रोखोमनि जाथाया गुबुननि समाजाव जैरै गात्रि रोखोमै गोसारनो लादों जौनि समाजावबो बे रोखोमनि गात्रि जथाया गोसारगासिनो दं। थेवबो जौनि समाजनि दैदेनगिरिफ्रा बिथिं नोजोर होनो जानायखौं नुनो मोनाखै।

फेग्रा मुवा एबा ड्रागस जानाय बाइदि गात्रि आरो  
गिथाव थाव हुदाखौ जॉनि गोर्लॅफोराबो गोबाना लाना  
गोबाडनो नागारनो हायै जाना अबथिरा जिउ गोमा  
नांगसिनो दं। टाउन सहरनिल' बाश्ना नड, गामि सिंनि  
गथ' गथायफ्राबो बे गात्रि आखुखौ गोबाना लादोसै।  
बिसोरनि गेजेराव गोरों गोरा, समाजनि मान गोनां  
सुबुंफोरनि नख'रनि गथफोरबो दडहोन्ना खोनानो मोनो।  
जॉनि हादोर सानि एबा बि.टिसि. हालामनि राइजो  
राजाफोरनि गेजेराव सांग्रांथि गैया। फेग्रा जिराद, जैरै-  
गान्जा, डेनराइट आथा, जौखौ हाथाय बाजारफ्राव  
गोर्लैयैनो मोन्ना थाडो होन्ना गथ' गथ' सेंग्राफ्रानो बेफोर  
मुवाखौ बाहायनानै नागारनो हायै जाबाय। जौखौबो  
हाथाय बाजाराव लांदाडै फान्नाय हुदाखौबो जॉनि  
समाजनि सुबुंफ्रा दासिमबो नागारनो हाया जाबाय।  
फरायसा गथ'फ्राबो हाथाय बाजाराव मोन्ना फान्नाय  
जौखौनो लॉनो लाबाय, उनाव लॉग्रा हुदायाबो बांलांबाय।  
मुलिन गलाफ्रावबो बायब्लानो मोन्नाय फेग्रा मुलि जैरै  
करेक्स, दखानाव मोन्नाय डेनराइट आथाखौ बायना  
गथ' गथ'फ्रा बादायनायखौ खोनानो मोनसोगारो।

सुबुं समाजा गोर्लैफोरखौ बे बाइदि गात्रि  
हुदानीफ्राय रैखा खालामनायनि माबाफोर राहा लादों  
ना ? नुनाय बाइदियै जौनि समाजाव बे बाइदि गात्रि  
आखुफोरखौ जाहाथे गोर्लै गथसाफ्रा नागारो बनि जेबो  
राहा लायाखै । जौनि समाजाव गोर्खों समाजारि आफाद  
दं होन्ना बुंला एबसुखौनो बुंनइ जागोन । एबसुवा गोसो  
जायोब्ला फरायसा गथफोरनि गात्रि आखुखौ  
नागारहोनायनि राहाखौ लानो हागौ । एबसुनि अनगायै  
गुबुन समाजारि आफादा बनि राहाखौ गोर्खोडै लानो  
हाबाबो जानो हागौ । समाजनि दैदेनगिरि मेलेम गोनां  
सुबुंफ्रा समाजनि गोर्लैफोरनि गाहाम इउननि थाखाय  
गोथौयै गोनां जाबाय ।

# दिनैनि फान्जामुथि

राशि बाइदियै मुंनि गिबि हांखो

|             |                   |                   |
|-------------|-------------------|-------------------|
| मेष : अ ल   | वृष : ऊ ब (उ ए इ) | मिथुन : क छ (ङ घ) |
| कर्कट : ड ह | सिंह : म ट        | कन्या : प ठ (ण ष) |
| तुला : त र  | वृश्चिक : ब न     | धनु : ध भ (ढ़ फ)  |
| मकर : ख ज   | कुम्भ : ग श (स)   | मीन : द च (ख ज झ) |



मेषः जेबो जेंना जेंसि गैयै शान्तिyै थानो हागोन ।  
जेखि मावा जौगानाय फैगोन । मोजां सान ।

 **वृषः** जे खामानिखौ मावगासिनो बेवहाय जौगानायखौ मोन्नो हागोन । मोजां सान ।



**मिथुन:** माबा मोनसे मोजां मुवा-बेसाद सोरजिनानै  
लानो हागोन । दिनैनि दिनआ मोजां । गोजोन मोनगोन ।



**कर्कटः** माबाफोर मुवा-बेसाद खहा जानो हागौ ।  
गोसोखौ शान्ति गैयै मोनगोन । गोसोखौ हमथा ।



**सिंह:** जेरैबो जेना थानाया जोबनाय नड। गोसो  
हमथानानै थानांगोन।



**कन्याः** जेखि जाया देहायाव सानाय-सुनाय सिखांनो  
हागौ । सांग्राडै थानांगोन ।

 **तुला:** माखाबा लानान गोसा सिडाव गिखानाय मान्ना हागौ । गोसोखौ लोरबां लानो नाडा ।

**बृश्चकः** मानिबाफार जना गांना खामानिफार दडबा  
सुस्त्रांजानायखौ मोन्नो हागोन । गोजोन मोनगोन ।



**धनुः** मान-सन्मान मोन्नाया बांगोन । फारफ्रोमथिंबो  
मोजां । गोजोन्नाय मोनगोन ।



**मकर:** जेखि जाया जायगायावनो दावबायनो मोन्तो  
हागौ । गोजोन मोनगोन । मोजां सान ।

 **कुम्भः** देहायाव बोरैबाफोर जोखोमफोर मोनबाय  
बायनो हागौ । जेरैबो सांग्रां जानांगोन ।



**मीनः** नख 'र संसार दैदेन्नायाव शान्तिखौ मोन्नो  
हागोन । फारफ्रोमथिंबो मोजां ।

ब्र'नि हारिमुः दोरोडारि मोसानाय

अनिल कुमार ब्रह्म

**મંબેબા** મોનસે હારિનિ હારિમુઝૌં બે હારિનિ સિનિઝિ  
બુંનાય જાયો | મોનસે હારિનિ સાફ્રોમ સુબુંનિ આઁલ-આઁહુ, આસાર,  
સર'વાનો બે હારિનિ હારિમુ મહૈરેં ચેરઁઁડાડે | બર' હારિયા મોનસે  
ગેરેમસા હારિ | બર'નિ હારિમુવાબો જોબોર ગોગો આરો મેહેરનાં | બેનિ  
હારિમુવા ઇન્ડ-મંગલયદ ઇબા કિરાટ હારિમુનિ બાહાગોસે |  
બેનિઁચાયનો ગુબુન મંગલીય ફોલેરનિ હારિફોરજોં બર'ફોરનિ  
હારિમુઝૌં મોનબા આઁહુથાડિયાવ ગોરોબફતેનાય નુનો મોનો | જેરે-  
i)ગડ જનાય હુદા, ii)આદરનિ મોનસે ગોનાં મુવા હિસાબૈ ગાઈઁચેરઁઁ  
આજાવયૈ, iii)સિ દાનો થાઁચાય ઇસાનસાલિ બાહાયનાય, iv)  
દાવહાયાવ ગેડેર-ગુવાર દાહાલ બાહાયનાય આરો v)આબાદનિ થાઁચાય  
ગોજાન-ગોજાન ઁના-ઁનલા જાયગાયાવ ફામુ જનાય ઇબા  
થાવનિ સોલાયનાય | બેફોર માઁઁસે દોરોઁઁડારિ હારિમુફોરા  
આથિઁલાલાવ ગોમોર લાંબાય ઇબા ગોમોર લાંનાયનિ લામાયાવબ્લાબો  
ઁના-ઁનલા ગામિ ગફા જાયગાનિ માનસિફોરા ગોદો-  
ગોદાઈનિફ્રાયનો બેફોર જિઁઁ ઁનાયનિ આઁહુથાઈફોરઁઁ બજબનાૈ  
લાદોં |

मानसिनि गोनांथार मुवाफोर जादें आदार, जि-जोम आरो न'। बर'फोर न' लुनाय बेलायाव माखासे दोरोडारि खान्थि गनायना सोलियो। न'मा न'खौ जेब्लाबो सिथ्लानि साहांथिं सोनाब-सानजा गोलावयें खोलाहा दरजा थानाय लुनाय जायो। न'मा न'खौ इन्चुर दुमस'नायें खथाथाम खालामो। बे न'नि सोनाबनि खथाखौ ख'फ्रा, गेजेर खथाखौ अखं आरो सानजा खथाखौ इंसिं बुडे। इसिडाव माइनाव बिन्दो थिसन्नाय जायो। बेयो सिथलायाव थानाय बार्थोनि सिजौजों सारिसेयाव थानांगै। बाखिखौ सिथ्लानि सानजाहा लुनाय जायो। जानो-लॉनो गोनां दोहोनि नख'रनि मादाव सेंग्रा मानसि आरो मावग्रा मानसि थानो थाखाय सिथ्लानि सोनाब फारसे न' लुनाय जायो। बेखौ बुडे "सौर" न'। ओंखाम सेंग्रा न'आ सिथ्लानि खोला फारसे थायो। बेनि सानजाथिं देखर खुरनाय जायो। मोसौ गलिखौ सोनाबहा एसे जानगाराव लुनाय जायो। दाड ग'प्राया न'नि फारसे खनायाव थायो।

बर' हाहिहा दोरोडखरि गानग्रा-जोमग्रा खसाब दं । गोदो-  
गोदाइनिक्रायनो बर' आइजोफोरा गानग्रा-जोमग्रा खसाबखौं  
दिहुनना लादों । सरासनसायै बर' हिन्जावफोरानो सि दायो । सि  
दानो इसनसालि फसडो । इन्दि फिथोब, मुगा, पाट, खुननिक्राय  
खुन्दुं लुनानै तात एवा साल गान्दैजों दाना सि दिहुनो । दख'ना,  
फासा, गामसा, जोमग्रा, आर'नाइ बाइदि-बाइदि गानग्रा-जोमग्रा  
दाखननाय जायो । दख'नाखौं बिदन, माथा दानानै लायो  
आइजोफोरा । बर' माहारियाव सि दानो रोडै हिन्जावखौं हाबा  
रोडै 'सालदं' होननानै खारिनाय जायो । हाबा रोडै सिख्लानि  
हाबाया गोब्रावैसो जायो ।

आबादानां बर'फोरन थांना थानार्यन गुदि फुखा । बर'  
हौवाफोर मोसौ एबा मैसोर्जो हाल एवयो आरो हिन्जावफोरा माइ  
गायो । माइन अनगायैबो बेसर, सबाइ, सिबिं, फाथो, आलु,  
थास', थारुन बाइदि आबाद मावनानै बर' हरिया थांना थानार्यन  
रहा खालामना लायो । दाउ, अमा, बोरमा, हांसो फिसिनानैबो  
बिसरो रंखाथि हालोदखौ जौखां होयो । आबाद मावनाय आरो  
फसल थिसननाय सैब बर' हरिया गोबां आसार खाथि, फोर्बों  
माइन सोलियो । जूरै- हाल जुरिनाय फोर्बों, नांगेल जांख्र,  
माइनाव फोरयनाय फोर्बों, माइनाव थाव फुननाय फोर्बों, गसा  
लायनाय फोर्बों, आग लायनाय फोर्बों, ओंखाम गोर्लै जानाय  
फोर्बों, बाखि लिरखन्नाय आरो बाखि दानाय फोर्बों बायदि-  
बायदि ।

बर 'फोरा सुबुं जिउनि गिदिं खननाय (Life Cycle)

मोन्थाम गोनां सम जैरे- जोनोम, जुलि आरो थैनायखौ जुगामि  
आरो मेहेरनां खालामनो माखासे खास्थि एबा फोर्बो फालिदों  
बेफोर जादों- जोनोम जागोदान गोरलै गथ 'खौ बरायनाय फोर्बो  
दै सारनाय फोर्बो (उथुमाइ हानाय), हाथासुनि, हाबा एबा जुलि  
फोर्बो, गोथै गारनाय आरो सारादु खुंनाय ।

बर 'फोरिन रंजनाय फोर्बोफोर जोबाद ओथि गोना  
आबाद मावनाय आरो धोरोम फालिनायजों लोब्बा लाखिना  
बर 'फोर रंजनाय फोर्बोफोरखौ खुनो लायो। बेनिखायनो बेफो  
रंजनाय फोर्बोफोरखौ मोनै बाहागोआव राननो हायो- आबादा  
फोर्बो आरो धोरोमारि फोर्बो। बोसोर गोदानखौ बरायननै जि  
धोहोरोमारि आरो आबादारि रंजनाय फोर्बो खुडो, बेखौ 'बैसागु  
होन्नानै बुडो। बैसागुवानो बर 'फोरिन देरसिन रंजनाय फोर्बो। बोसो  
गोजामनि जोबथा सान एवा चैत्र दाननि संक्रान्तिनिक्राय जागयाना  
स्ति सानहालागै बैसागु फोर्बो फालिनाय जायो। चैत्र दाननि जोबथा  
सानखौ 'मोसो बैसागु' महैर फालिनाय जायो। आबादारि बर 'फोर  
आबाद मावनायाव हेफाजाब होरा जुनात मोसौखौ थुखेसां-लोबस्  
खालामनानै फुजा होयो हाजाथे मोसौफोर हान्जा-हान्जा एरो आरो  
आयौ गोलाव जायो। बोसोर गोदाननि गिबि सानाव आन्द्रा-  
आन्द्रि फुडवनो खेरइ फुजानि सत्रालि देखोनि सिफुं सुनानै गोदा  
बोसोरखौ बरायो। बे दिनावनो संग्रा-खावरा हानि दो-दोख्लाफोरख  
गागरार हरो। नख 'रनि मानसिफोर गोथार जानानै न'-बां लिस्खाडो  
जि-जोम सुस्त्रांना बाथौ गुदियाव आर'ज गाबो। बेनि उनाव खुंख  
गोखा मैगंजों दाड एवा अमा बेदर एवनानै जायो। खुंखा गोख  
एवना जानायनि उनाव बोरइफोर फिसनाय जौ बिदै लौनानै सिगांर  
बैसागुखौ बरायो। बेनि उनावनो जागायो सेंग्रा-सिख्ता, गथ'-  
गथाइ बयनिबो मेथाइ खननाय, मोसानाय बायदि रंजनाय आव-  
फाव।

आसिन दाननि जोबथा सानखालि बर'फोर काति फोर्बा फालियो । थांखिया बिमा माइनायखौ सिबिनाय । कातिक दानना दुब्लिफोय माइ बिफांजौ सोमखोर महर लानानै थरयनायनि मरसुमखे थिफायसने । थरयनाय माइ दुब्लिया जाहाथे एम्फौ-एनल बीजानुफोरनिफ्राय रैखा मोनो, बेनि थाखाय बर'फोर माइनायखे आर'ज गाबो । बे सानाव मोनाबिलियाव सियाल गाबनायनि सिगो माइ दुब्लि आरो मैंग-थाइंग बारियाव, गलिआव लोगोसे बाथौआव गासा सावयो । बर'फोरनि गुबुन मोनसे गोनां रंजानाय फोर्बौआ जदौं मागो फोर्बौ । बे समाव माइ मार जोबनायलाय बयनिबं नख'शव एफा-एनैब्लाबो बाखियाव माइ थायो । आबादारि बर'सुबुंफोर आघन दानाव आबाद दिखानानै पौष दाननि जोबथ साननिफ्राय माघ दाननि नै-थाम अक्ट'सिम जाय मुखुब जानाय-नौलाय, रंजनाय, फोर्बौ फालियो बेनो मागो । बेखौ दमासिबं बुडो । 'नांगोल जांखा', 'ओंखाम गोरेल' जानाय फोर्बौफोरव जायै-लोडै रंजनायनि दिहा खालामनाय जायो । आबादाणि फोर्बौफोरव रंजनायनि अनगायैबो बर'फोर धोरोमारि फोर्बौआवबं रंजयो । 'खेरइ'आ बर'हारिनि गहाइ दोहोरोम फोर्बौ । बे फोर्बौखे सोर बिथिं गहाम हामब्लायनानै फालिनाय जायो । बाथौब्राइ सिमिब्राइया बर'नि गहाइ मोदाइ । बिनो रंगसि (सोरजिगिरि), मैथ हाजि (खांघ्रा), बारि गंधाम (लांग्रा) नि महर लानानै मुतुगखे सोरजिदें, खांदें-बादों आरो फोजबोदों । बि बाथौब्राइ एबा सिमिब्राइखे गोसो मोदोम जिउ होनानै फुजिनो, गावखौ वाडसोमनानै बिखे खुसि खालामनो थाखायनो बर'फोर खेरइ फोर्बौ खुडो एबा खेरयो खेरइआव बर'फोर खाम-सिफुं-जथा दामनानै दौदिनिजों खिसिम-खिसिम मोसाफाना हाजासे रंजयो ।

बर्'फोरिन गुबुन मोनस मख 'जाथाव धोरामारि फोबोअ जादों 'गाजा' फोबों। बाथों धोरामारि बर्'फोरा गामियाव जयें गारजा फुजा होयों। गामि दरफोमहाबो गारजा फुजा होनो गारजासातिलिजा थायों। गारजासालिया बिफां-लाइफां थानाय निजोम हावासि जायगा

गारजा फुजयाथाव अजा आरो दौरिया गाहाइ बिफाव लायो । अजानि मोन्थोर आवरायनायजों दौरिया गाहाइ बिफाव लायो । अजानि मोन्थोर आवरायनायजों दौरिया दाउजो मासे राइजोनि मुडै- गारजासालियाव हाथारना बुलि होना मोदाइनो बाउयो । बे हाथार जानाय बुलिन दाउजोखौ बेदर गोदाना एवननै थाइसे जौ दाबखा लोननै जायो आरो खासि मद्ला जानानै सिबियारिफोर हागौ मानि रंजायो ।

बर' हारिमुआव औवा आरो राइदोंफोर जोबोद बेसेन  
गोसा मुवा। गथ' जोनोम जानाय समाव उथुमाइ हास 'नायनिफ्राय  
जागायनानै गोथै गारहैनो बानग्रा बैसांसिम औवानि गोनांथि दं  
बाथोंसालि दुमनायाव औवानि अनगायै गुबुन जिउरदआ सोलिथारा  
औवाजों खाथि जिरनानै बाथोंसालि दुमनायाव दाउथु बिखरा  
हेबनाय आरो फेरेंगा लानजाइ दाननाया नायनो गोनां। इसिडाव  
माइनाव बिन्दो फज 'ग्रा माइनाव ख 'ख्त्ता आरो बेनि सेराव फज'ग्रा  
सेमफत्ता गनैखौ औवाजों बानायनाय जायो। न'आव बाहायनाय  
संग्राइ, सान्द्रि, खादा, दन, आबैदांगि, खादौ, सांगं, दुलि बाइदि  
आइजेंफोरखौ औवाजों बानायनाय जायो। आबाद मावनायाव  
बाहायनाय आगजु जैरै- मै, जुंगाल, लावथि, हुखेन, ना हमनायाव  
बाहायनाय जेखाइ-खबाइ, फल', सेन, खखा, खाखि, सेरेन,  
बोरला, फान, बोरसि दान्दा, जौ सेर्रा लावथाइ, जान्था आरिफोर  
औवाजों बानायनाय। न' लुनायाव बाहायनाय फेराइ, रुवा,  
मान्दालि, सेफालि, धरना, थेवलफोर औवानि। बेफोर बर'  
हारिनि आखाइ शिल्प हारिमुनि गोजों बिदिन्थि।

बर'नि मेथाइ आरो मोसानाया जोबोद मेहेर गोनां ।

गोदान मोसानायखी एंगारानैबो गोबां दोरोडार मोसानाय द  
 'बर' माहारिहा। बिस्पो खेराइ हुंनयाव दौदिन फोरें लांनाय  
 माखासे दोरोडार मोसानायखी लादोंब्लाबो संसार जानायव  
 मिथिंगाजों गोरोब लांनानै गोबां दोरोडार मोसानायखी मोनदांथिजों  
 सोलौना आंगो खलामना लादों। 'बर'फोरिन दोरोडार मोसानायनि  
 मुंफोरखी गाहायनि दोसे खन्थाइजों फोरमायना बे रायथाइखी  
 फोजेबनाय जाबाय।

बर'नि हारिमु : दोरोडारि मोसानाय

बे फैलाव बिलात लाथाया गोमोथाव रोखोमनि समायना आरो गोमोथावयै हाइना नंहोंदों बर' हारिनि हासिमुवा । समनि फाख 'नाव बर' हारिया आगोमा राइजोखौ खोमा नांन्लाबो, गोदोनि दिनाव बर'फोर थुनलाइ-जारिमिन लिर्सो रोडाखैब्लाबो दाबो गोमोर्सना थाइखै बर'नि आसार-खस्थि, राव-हारिमु, हाजो-हायेन, मुलुफोथार, गफा-गफि बर' गामि-गामि गोमसारो खाम, सिफुं, जथा, जाबखिं, थरखा, गंगोना, हारम'नियाम, दामनाय, बर' आइजोफोरनि बाइदेम-सिदेम, हाइला-हुइला मोसानाय: बाइदि रोखोमनि बाइदि खिसिमनि फाव दिन्थिफुंनय, आखाइ, आथिं, जानजि, सोमाव-सोमाव मेथाइ खननाय । ना हमनाय, ना गुननाय, मैंग खानाय, माइ गायनाय, लाइजौ बनाय, मोसगलानाय, दैमालि, बारबाय मोसानाय, सिखि-सिख्ला, बार-दै-सिख्ला, दाउसि देलाइ, सिखि मोसानाय, थावखि लुनाय, खफि सिबनाय, राइदों सिबनाय, गइ रानाय, बैराथि मोसानाय, सोदोमसि मोसानाय, बागुरुब्बा मोसानाय, हाजोआरि मोसानाय, रुब्बां मोसानाय, देमग्लाइ मोसानाय, गान्दौला बेननाय, बेवाइफोर लाजिनाय, बाला-हामा मोसानाय, राइदों-दालाल सिबनाय, बैसागु मोसानाय, देमसि मोसानाय, सखि मोसानाय, खामाव बारखोनाय, जार-फाग्ला मोसानाय, खैजोमा फ'नाय, नाव जावनाय, सा-गोलाव मोसानाय, मुफुर गेलेनाय, सत्रावलि मोसानाय, गराइ दान्रायनाय, दाहाल सिबनाय, थुंग्रि सिबनाय, रोन्सोन्दि मोसानाय । बे बुइमनि बबे खनायाव नागिरना मोनगोन दालाय, बबे हारियाव दं एसेबां खिसिम खिसिम दोरोडारि मोसानाय ।

इउक्रेनआ रासियानि सायाव गाग्लोबनानै बिसोरनि  
माखासे फाइटार जेटखौ सिलिंखार खालामदों

वाशिंटन, 5 जुन : बावैसो फिन्नायखौ गोखोडै  
सिगां इउक्रे नआ रासियानि होफिनगोन। बे खौरांखौ सशेल  
सायाव गाग्लोबनान बिसोरनि मिडिया प्लेटफर्म टूथ



माखासे फाइटार जेटखौ  
सिलिंखार खालामदें। बेखौ  
लानानै रासियाआ इङ्केनआव  
दावहाया गोखौंसिन जादें। बेनि  
गेजेराव आमेरिका हादतगिरि  
डनाल्ड ट्रम्पआ मंगलबारखालि  
बुडोदि, बिसरो आरो रासियानि  
हादतगिरि भ्लाडिमिर पुतिनआ  
से घन्त्यिनखुइ बांसिन समसिम  
बाश्चा सावरायदें। जेराव  
रासियानि दैदेनगिरिया बेखौ  
रोखा खालामोदि, बिथाडा  
इङ्केननि डून गाग्लोबनार्यनि  
सशेलआव होनानै बुडोदि, आं  
बावैसो रासियानि हादतगिरि  
भ्लाडिमिर पुतिनजें  
टेलिफनआव बाश्चा सावरायदें।  
डनाल्ड ट्रम्पआ बुडोदि,  
हादतगिरि पुतिनजें लोगोसे  
बिथानि सावरायनाया मोजाडैनो  
जादें, नाथाय बे सावराय  
लायनायाव इङ्केनआव थाबैनो  
गोजोननि मिजिंखौ नुनो  
मोनाखै। बेनि गेजेरजें डनाल्ड  
ट्रम्पआ पुतिनजें इराननि  
गुन्द्रासा हाबाफारिफोरनि

सायावबो बाथ्रा सावरयदों। बेनि सिगां 19 मेखालि सानै दैदेनगिरिफोर टेलिफनआवबो बाथ्रा सावरयदोंमोन। बेनि सिगां पुत्तिनआ बुंदोंमोनदि, गनै रेल दालांनि सायाव जानाय गाग्लोबनायजों रोखा जादोंदि, इउके ननि दैदेनगिरिया गोजोनखौ लुबैया। रबिबारखालि इउके नआ सान्थि जारिभिनाव गिख्ंथावसिन डून गाग्लोबदोंमोन, जायजों दावहा जर'खागिरिफोर रासिया ओन्सोलनि सिडाव लोसो खान्थि एयार बेसआव लाखिना थानाय रासिया अख्ंभां सान्थिनि जेट उरां जाहाजखौ थांखिना बानायनानै सिलिंखार खालामदोंमोन। बे गाग्लोबनायाव रासियानि गोवां सोलो खान्थियारि बम गावनाय, ट्रेस्पर्ट एयारक्राट आरो एयार वारनि एयारक्राटआ सिलिंखार जादों।

मणिपुरआव उतखारिफोरनि केम्पनिफ्राय गोबा बिबानि  
हाथियार आरो बेरफुग्रा बेसाद जब्द' खालामदों



7.62 मिमि गोथां गुलि-बारुदआबो दंफायो।  
बेनि उनाव तेंनौपाल जिल्लायाव मरेह पुलिस  
स्टेशनजों लोगोसे यांगोबुनिफ्राय लालिम लक  
दैमासिम ट्रेकजों लोगोसे आरोबाव मोनस  
अपारेशन सालायनाय जादों, जाय खोला फारसे  
म्यारमानजों लोगोसे सिमना सरजाबो।  
हान्जाफोरा बे थाम घन्टासिम गोबाव  
अपारेशननि गेजेरजों बिग्रायारिफोरनि बाहायनाय  
गंसे अरायथा नडै कैम्पफोरखौ सुलाद लादों  
आरो सोरांआवबो लाबोदों। बोखानो हानाय  
बेसादफोराव गंथाम इम्प्रभाइज्ड एक्सप्लसिभ  
डिभाइस आरो थरबू गोथां ग्रेनेटआबो  
दंफायोमोन। गासै बोखानो हानाय हाथियारफोर  
आरो बेरफ्रूगा बेसादफोरखौ इयुनि  
नायबिजिरनाय आरो आइनारि नायबिजिरनायनि  
थाखाय सोमोन्दोआव थानाय पुलिस स्टेशननो  
गथायना होनाय जायो।❑

## गौरब गगैआ कार्बिआंलंआव आइन बैरेखायै जावखांनायनि सायाव नायबिजरनो दाबि दैखांदों

**गुवाहाटी, 5 जुन:** आसाम राइज्यो कांग्रेस कमिटिनि आफादगिरि आरो लकसभानि एमपि गौरब गगैआ कार्बिआंलंआव आइन बैरेखायै जावखांनायखौ सुप्रिम कर्टखौ नायबिजरनो दाबि दैखांदों। एमपि गगैनि दाबि दैखांनाया बावैसो समाव सुप्रिम कर्टनि मिरु गोहो कमिटि (सिइसि) नि गेजेरजों फोसावनाय मोनसे बिथोननि उनाव फैयो। बे रोखोमनि गोजौ थाखोनि नायबिजरनाया बे कन्टूल खालामनायथावै हाबाफारिफोरखौ दिन्थिनायनि मोनसेल'रहा होनानै गगैआ बुडे। सिइसिआ आसामनि डिजिपि आरो गाहाइ नेहाथारिनो बिथोन होदोंदि, बिसोर सांग्रांथि गोनां काजिरख माहारियारि पार्कनि खाथियाव आइन बैरेखा जावखांनाय आरो सोमोन्दो गोनां

## मणिपुरआव दै बानानि थासारिआ साबस्त्रांबोदों



**इम्फल, 5 जुन:** मणिपुरआव दै बानानि थासारिआव मख'जाथावै साबस्त्रांदों। मानोना अखा हानाया दावखलायनायनि उनाव गाहाइ दैमाफोराव दैनि थाखोआ बाइइ जालांदों। बे जौगाखांनाया राइज्योनि थाखाय रेहायनि बाश्ना, जाय 31 मेनिफ्राय लान्थियै गोबां अखाजों मोगा-मोगि जानांगसिनो दइ' दैनि थाखोआव खमायनाया गोहोम गोनां ओन्सोलफोराव नारिसन्थायखौ बाइइ खालामनो हागौ, जायजों रेहायनि हाबाफारिफोराव गोलेँसिन जागोन। दै बानानि हाबाफारिआव आसाम राइफल्स आरो सान्थि अपारेसन जलरहात-II नि गेजेरजों एक्टिभयै रैखा आरो रेहाय होनाय खामानि मावगासिनो दइ। बे नाजानाया हेफाजाब होनो आरो जायगानि सुबुं अन्जिमानि सायाव गोहोमखौ बाइइ खालामनायनि सायाव नोजोर होगासिनो। दै बानाजों 1,65,000 निबो बांसिन सुबुंफोरा गोहोम गोलेँदों आरो गासै 35,242 न'फोरा खहा जादों। बेयावनि कंबा आरो नाम्बुल दैमाफोरा लोमसावनायाव माखासे बान्दोफोरा बायफलंलाडे आरो थासारिआ गात्रि जायो। गोबां सेलेन्सफोरनि गेजेरजों रैखा खालामनाय हाबाफारिआ सा 4,097 सुबुंफोरखौ जाफडंसारै दिहुनो, बिसोरखौ आथिखालाव गं 78 रहा बादफोराव लाखिनाय जायो। बे रहा बादफोरा दै बानाजों न' गैजायै जानांनाय सुबुंफोरखौ अरायथा नडे आश्रय आरो गोनांथि जानाय मुवा-बेसादफोर होगासिनो दइ।

## सिक्किमनि 'मेरी रुख मेर सन्तति' बिथांखियाव मोन 5,552 नख 'रफोरा रेजिस्ट्रेशन खालामदों

**गेंटक, 5 जुन :** राइज्योनि गाहाइ थांखि, मेरी रुख मेरी सन्तती (मेरे पेड़ मेरा बच्चा) आ मोनसे थुलुंगा खांथाव माइल खुन्थिया मोन्नो

गुडस सेटआव इन्फार्स्ट्राक्चर फोजीखानाय आरो गोदानआरि खालामनाय

इ-टेन्डर फोसावखाइ नं.: 26/डब्लिउ-2/एचिडिजे। अन्तर: 30-05-2025। गाहायव होनाय खागानिफिनि थाखाय इ-टेन्डर हांखायदों। टेन्डर नं.: 08-एचि-III-2025। खामानिनि मुं: गुड सेटआव इन्फार्स्ट्राक्चर फोजीखानायव खिक्सासलि आरो लोहा डै खावु गोनां मोजो मासुगुल बिबांखि, खिक्सासलिजो लोमोसेरुस्म। हिस्तिथि थायाव खिक्सासलि आरो दुगिा खया खावुजो माचैन्स्मनि खामानि। टेन्डरनि बेसेन: 1,26,73,025.71 रं। अंतिम नं: 2,13,400 रं। टेन्डर जेक्वनायनि सम आरो अन्तर: 23-06-2025 नि 15:00 रिगि आरो 15:30 रिगिआव जागयमोन। गोजीआव होनाय इ-टेन्डरनि आबु फोसावयथिखौ टेन्डर डकुमेन्टजों लोगोसे [www.iwreps.gov.in](http://www.iwreps.gov.in) वेबसाइटआव गोबाई मोन्नो हागोन।

डिआएम् (डब्लिउ), आलिपुरदुवार जंसन

सा-सान्जा सिमना रेलवे

मिन्स्लुनायजों ग्राहकफोरनि सिक्खाइ

आलिपुरदुवार जंसनआव यार्ड फोसावनाय

इ-टेन्डर फोसावखाइ नं.: 34/डब्लिउ-2/एचिडिजे। अन्तर: 03-06-2025। गाहायव होनाय खागानिनि थाखाय इ-टेन्डर हांखायदों। टेन्डर नं.: 12 एचि-II-2025। खामानिनि मुं: सोलाय, सालाकारि आरो बासुगाव यार्डआव फोसावनाय खामानि। सोलाय, फाकिराग्राम, कक्राझार आरो बासुगावआव यार्ड फोसावनाय आरो बिथांखि महरै सिंगेल गेभ एसडेजो कन्वेन्सनेल रिनुवेल खालामनाय। टेन्डरनि बेसेन: 3,70,63,933.57 रं। अंतिम नं: 3,35,300 रं। इ-टेन्डर जेक्वनायनि सम आरो अन्तर: 25-06-2025 नि 15:00 रिगि आरो 25-06-2025 नि 15:30 रिगि। गोजीआव होनाय इ-टेन्डरनि आबु फोसावयथिखौ टेन्डर डकुमेन्टजों लोगोसे [www.iwreps.gov.in](http://www.iwreps.gov.in) वेबसाइटआव गोबाई मोन्नो हागोन।

डिआएम् (डब्लिउ), आलिपुरदुवार जंसन

सा-सान्जा सिमना रेलवे

मिन्स्लुनायजों ग्राहकफोरनि सिक्खाइ

हाबाफारिफोरनि सायाव थानाय 2019 नि होबथानायफोरखौ गोख्रोडै फालिनायखौ रोखा खालामनांगौ। बे बिथोनआ सासे सिनायमोने सरकारि बिबानगिरिनि गेजेरजों नेसेनेल पार्क नि खाथि-खालानि ओन्सोलाव गोबां बिबांनि आइन बैरेखा जावखांनायखौ गनायथि होनायनि 5 दान उनाव फैयो। बिथाइ दाय

जाबसिन्दोंदि, कार्बिआंलं अटनमास परिषदआ बे जावखांनायखौ सालायनो गनायथि होयो आरो बिसोरनियाव बेबादि खालामनायनि जेबो आइनारि मोन्थाय गैयामोन।

## भारतआव करनानि केसआ रिक्ड महरै बांगासिनो दं

**गोदान दिल्ली, 5 जुन :** भारतआव थानाय 24 घन्टनि गेजेराव खमैबो 276 कभिड-19 केसआ सोरांआव फैदों, जायजों गासै एक्टिभ कभिड-19 केसफोरनि अन्जिमाया 4,302 जाबाय, जेराव केरेलायाव बांसिन 1,373 इन्फेक्सन जानायनि केस दं। महाराष्ट्रआव 510 केस, गुजरातआव 461 आरो सोनाव बंगआव 432 केसआ सोरांआव फैदों। हादतनि राजथावनियाव खमैबो 457 कभिड-19 नि केसखौ थिसन्नाय जादों। हादतआव दासिमाव गासै सा 44 सुबुंफोरा कभिडजों जिउ गोमाबाय, जायनि गेजेराव बांसिनै सा 14 आ महाराष्ट्रआव जिउ गोमादों। थानाय 24 घन्टयाव सा 7 सुबुंफोरनि जिउ गोमादों, जायनि गेजेराव सा 4 आ महाराष्ट्रआव गोमादों। गुजरात आरो दिल्लीयावबो कभिडजों सोमोन्दो थानाय सा 1-1 जिउ गोमादों। सावस्त्रि मावख'आ करनानि केस बांनायखौ नोजोर होनानै गासै राइज्योआव अक्सिजेन, आइसलेशन बेड, भेन्टिलेटर आरो गोनांथार मुलिफोरनि

**गोदान दिल्ली, 5 जुन :** भारतनि सा-सान्जा राइज्योफोराव दै बाना आरो हा-गिसिखानायजों गोबां सिलिंखार जाबाय। आसामनिफ्राय लानानै मणिपुरसिम सुबुंफोरनि जिउ ख'हा जागासिनो दं, फसल आबादथिलिआ सिलिंखार जादों आरो सुबुंफोरा थानो थाखाय न' गैजायैबो जादों। आसामनि राइज्यो सरकारनि बुंनाय बायदिब्ला दासिमाव सा 19 सुबुंफोरनि जिउ गोमाबाय। सा 14 सुबुंफोरा दै बानानि जाहोनाव जिउ गोमादों आरो सा 5 सुबुंफोरा हा गिसिखानायजों फबसिनजाना

मोन्नायखौ थि खालामनो बिथोन होदों। बुधबारखालि सुलुइव मिबथि होनाय जायो, सावस्त्रि सिबिथाइनि डायरेक्टर जेनेरेल ड॰ सुनिता शर्मानि आफाद दैदेन्नायाव 2-3

जिउ गोमादों। आसामनि मरिगाव जिल्लायाव दै बानानि थासारिया गिखंथाव जादों आरो जिल्लानि दर 101 गामिफोरा

दै बानाजों गोहोम गोम्लैदों। दै बाना आरो हा गिसिथानायनि जाहोनाव आसाम आरो अरुणाचल प्रदेशनि थासारिआ जोबोद गात्रि जादों। अदेबानि बुधबारखालि थासारियाव इसे सोलायनायखौ नुनो मोन्दों,

नाथाय हालोदआ गोबांबो सोलायाखै। सिक्किमजों लोगोसे मोन 7 सा-सान्जा राइज्योफोराव दै बाना आरो हा गिसिखानायजों थैनाय सुबुंफोरनि अन्जिमाया सा 50 जाबाय। 29 मेनिफ्राय

## मिज 'राम पुलिसआ 2.9 कि:ग्रा: मेथामफेटामाइन बोखांदों

**आइजल, 5 जुन:** कलासिबआव फेग्रा बेसादनि स्मगलिं खालामनाय दायआव मिज'राम एक्साइज आरो फेग्रा मुलिफोरनि बिफानआ बुधबारखालि सा 5 सुबुंफोरखौ हमदों, बिसोरनि सानैआ आसामनि थागिबि। बे अपारेसनखौ मंगलबार फुइव जागायदों आरो एक्साइज बिबानगिरिफोरा कलासिबआव मेथामफेटामाइन टेब्लेटफोर बोखांनानै सानै सुबुंफोरखौ

बैखनआव लादों। बिसोरखौ हमनानि उनाव नायबिजरनायाव कलासिबनि टुम्पुइ वें खाथिआव बै सानावनो 2.9 कि:ग्रा: मेथामफेटामाइनखौ बोखांनो

हायो। बेनि उनाव आरोबाव साब्रै सुबुंफोर, जायनि गेजेराव सानैआ आसामनि। बिबानगिरिफोरा गंसे स्कुटरबो बोखांदों, जायखौ फेग्रा बेसाद रोगानायाव बाहायनाय जादोंमोन। बिबानगिरिफोरा बुंदोंदि, मेथामफेटामाइननि टेब्लेटनि स्मगलिंखौ मिजरामनिफ्राय खालामनाय जादोंमोन। सा6 दायनिगिरिफोरनि सायाव फेग्रा बेसादफोर आरो मेन्स्ल फेक्स् बेसाद नेमखान्थि बादियै 1985 नि सोमोन्दो थानाय धाराफोरनि गेजेरजों दाय जाबसिन्नाय जादों आरो बिसोरखौ बुधबारखालि कलासिब जिल्ला बिजिरसालिआव दिन्थिनाय जादों। आबकारि आरो फेग्रा मुलिफोरनि बिफाननि बादिब्ला, बे सोलिफु बोसोरनि जानुवारिनिफ्राय मे दानसिमआव बिबानगिरिफोर 27.7 कि:ग्रा: हेइन्, 133.3 कि:ग्रा: गान्जा, 67.1 कि:ग्रा: मेथामफेटामाइन, 48 कि:ग्रा: मेथ आरो 945 ग्राम आफि आरो गुबुन माखासे फेग्रा बेसादफोरखौ बोखांनो हदों।

आफादगिरि अवैसीआ थान्दै आफादखौ दैदेनग्रा बिजेपि एमपि बैजयन्त पान्डाखौ भारतनि थासारिखौ रोखा आरो गोख्रोडै फोरमायनायनि थाखाय बाख्यायो। बिथाइ बुडोदि, थान्दै आफादनि गासै सोद्रोमाफोरा गावसोरनि बिबानफोरखौ गोहोम गोनाडै आबु खालामो। अवैसीआ

बुडोदि, जों भारतनि बाहागोखौ गोख्रोडै लाखियो आरो दरफ्रोम हादतआव गाहाइ दैदेनगिरिफोरनो भारतआव उतखारि गोसार होनायाव पाकिस्ताननि बिफावनि सोमोन्दै खौरां होयो। जों पाकिस्ताननि लोब्बा थानाय माखासे जाथाइफोरखौ मख'दों, जायनि जाहोनाव दाय गैयै

## धुबुरीआव मुलुग आबहावा सानखौ प्लग रानजों लोगोसे फालिदों

**धुबुरी, 5 जुन :** मुलुग आबहावा साननि फोर्बोआव धुबुरी नोजोर निगमा जायगानि शहरारि साखोन-सिखोननि बिथिइव मोनसे साहज गोनां थांखि आजावना लानानै सहरनाडै प्लग रान आरो साखोन-सिखोन हाबाफारि खुंनायजों लोगोसे पौर सखी टास्क फर्सखौबो जागायबाय

होन्ना खौरां होयो। मोन 17 पौर सखिफोरनि ओंथिया सहरनि

## अरुनाचलनि सोनाव कामेंआव आगोमा हिमालयान ग्रिफन सिगुन रैखा खालामदों

**इटानगर, 5 जुन:** मासे आगोमा आरो अलखदजों भुगिनांनाय लाइमोन हिमालयान ग्रिफन सिगुनखौ थानाय मंगलबारखालि

अरुनाचल प्रदेशनि सोनाव कामें जिल्लानि डिगं उफ्रा बिफाननि बिशुम फुदुनिफ्राय रैखा खालामो। बे लाइमोन दावखौ गोब्राव थासारिआव मोन्नाय जादों। जायगानि थागिबि रिनचन ताशिआ बेरामि सिगुनखौ नुय आरो थाबैनो बेखौ फाहामथाय होनो थाखाय डिगं जुनात फाहामथाय डिस्पेन्सारिआव लांनाय जायो। गागि जुनात फाहामगिरि डजें त्सेरिआ खौरां होदोंदि, सिगुनखौ इमार्जैन्सि फाहामथाय होनाय जायो, जेराव मुलि, ट्युब फिडिं बायदिफोरा दंफायो। त्सेरिआ फोरमायोदि, दावखौ हाग्रायाव हगारिफिनायनि सिगां 1 सप्ताहसो रिक्भारिनि गोनांथि जागोन। हिमालयान ग्रिफन सिगुनआ जोबोद गोजौ हिमालयान आरो तिब्बति हाजो ओन्सोलफोरनि मोनसे गाहाइ फोलेर। बेनि अन्जिमाआ जाग्रा आदरनि आंखालआव दावखलायगासिनो दइ।

लोगो, जायखौ खुंनाय समाव स्वच्छ भारत मिशन सहरारिनि गेजेरजों मदत होनाय आरो फिड बैक फाउन्डेशन चेरिटेबल ट्रस्टनि गेजेरजों फोसावनाय 1 बोसोर नाडै नि गोग्गो साननायनि बाहागो महरै मावख'यारि महरै थांखि लादों। बेयो दाखोर-दालानि फारसे सांग्रांथि आरो गासै मिउनिसिपाल वार्डपोराव फोलेरारि बाहागो लानायाव मख'जाथाव बिफाव लागोन। बे हाबाफारिखौ धुबुरी मिउनिसिपाल बर्डनि मावफुं बिबानगिरि नम्रता प्रदीप शर्मा आरो साफाइ बिबानगिरि उमेश राय, वार्ड नं 1 नि कमिशनजों लोगोसे गुबुन मिउनिसिपालनि बर्डनि मावसुमाफोर आरो साफाइ मावसुमाफोरनि गेजेरजों आबहावानि बिबाननि थाखाय खौसेथिनि नेसोंन महरै जागायो।

# बिजेपिआ गावनाय औवा नड्ड, थसे गथा औवासो : दिलिप सइकिया उदालगुरिनि मोन 10 बियाबआव बिजेपिआ बिजाथि फसंनो सारखा फारा



**उदालगुरि, 5 मे:** बिजेपिआ गावनाय औवा नड्ड, थसे गथा औवासो, बे बाश्रखौ बुंदों आथिखालनि आसाम रइज्योआरि बिजेपिनि आफादगिरि दिलिप सइकियाआ। फैबाय थानाय बिटिसि बिसायख 'थियाव उदालगुरि जिल्लानि मोन 10 बियाबआवनो बिजाथि फसंनयनि बाश्राखौ दिनै फिन खेबसेबाव रोखायै फोरमायबावनायखौ नुनो मोन्दै। उदालगुरियाव बिजेपिनि फसंथानआरि गोहोआ जोबोद बाख्यायथाव। बिसायख 'थियाव बाहागो लानो हानाय बायदियै उदालगुरिनि साफ्रंेमबो मावफारियाफोरानो सांग्राडै दड। बिसायख 'थियाव बिजाथि होवाब्ला। मावफारियाफोरनि

मिथिहोबावदों। फैबाय थैनाय बिसायख 'थियाव प्रमद बर' आरो हाग्रामा महिलारिनि हेंथायै बिजेपिआ बिजाथि होयैनि थांखि लानायखौ फिन रायखांफिन्नानै बिटिसिनि गोजोन आरो

खौसेंथिखौ लाखिलांनायजों लोगोसे जौगाखंनायनि सार्थआव बयखौबो लोगोआव लानानै बिजेपिआ बिटिसिखौ दैदेनलांनो थांखि लादों होन्ना फोसावनायखौ नुनो मोनदों।

( 1 बिलाइनिफ्राय )

## बिटिसि बिसायख 'थिखौ लानानै बिपिएफ आरो इउपिपिएल दोलोआ गोहो दिन्थिनायनि मुखुब

गोहो खुंथाइनि मासिआव बिजेपिजों सरकारनि बाहागोदारि जानो थाखाय गोखोडै बादायलायनो इउपिपिएल दोलोआ साखा-फारा जाबाय। बेबायदिनो इउपिपिएल दोलोआ बिटिसि बिसायख 'थिआव बिपिएफनि दखलआव थानाय बियाबफोरखौ दखल खालामनो थाखाय थांखि महरै आजावना लादों। जायनि फिथाइआव बिटिसि कक्राझार जिल्लानिफ्राय बिपिएफनि दखलआव थानाय बियाबआव इउपिपिएल दोलोआ मासि बांहेनायनि मोनसे समान्थि सोरजिनो बिपिएफ दोलोनि हाइप्रफाइल बिजाथिखौ फेजेन्नयनि मोनसे स्ोद सोलो खान्थिखौ आजावदों। जर'खायै जिल्लानि सालाकाति आरो बाउखुंग्रि गौथुमारि बियाबाव इउपिपिएल दोलोआ बिपिएफनि हाइप्रफाइल दैदेनगिरिफोरनि हेँथायै इउपिपिएल दोलोआबो हाइप्रफाइल दैदेनगिरिफोरखौ बिजाथि फसंनयनि हाबाफारिखौ जागायजेनदों। फारसेथि इउपिपिएलनि बे सोलोखान्थि आरो गले-गले बिपिएफनि गौथुमारि बियाबाव दोलोआरि सांग्रंथिखौ बांहेनायाव सरसनस्ायै बिपिएफनि बादायव सानखांहोदों। बेबायदिनो सालाकाति गौथुमारि बियाबाव इउपिपिएल दोलोनि सिडव एमएलए लरेन्स इस्लारिखौ बिजाथि फसंनयनि लाहार-फाहार जादों। बे बिथिडव बिपिएफनि सालाकाति गौथुमारि बियाबनि बिजाथि मोन्थाव एबा एमसिएलए देरहासाद बसुमतारीआ इउपिपिएलखौ फेजेन्नो सिगंग्रो बियाबाव भटर रइजो-रजाफोरनि खाथियाव फैनानै गाबनि दखलआव थानाय बियाबखौ देरहाफिन्नो गोखोडै नाजानायखौ नुनो मोन्नाय जादों। बेबायदिनो सालाकाति गौथुमारि बियाबाव बिपिएफनि बिजाथि देरहासाद बसुमतारीआ चौटाकी खोन्दो-1 गामिआव दोलोनि आफादारि बिथाखौ गोखोंथार खालामनो गेदेरथार दोलोआव हाबफैनाय हाबाफारि खुंदों। दोलोआव हाबफैनाय हाबाफारिआव सालाकाति चौटाकी खोन्दो-1 गामि आरो बरझारानिफ्राय सा 150 निखुइ बांसिन धोरोमारि माइनरिटि रइजो-रजाफोर हाबाफारि बायदियै बिपिएफ दोलोआव हाबफैयो। बेनिनो इउपिपिएलनि सालाकाति ब्लकनि लेडइ आफादगिरि मिजाचान्द आली आरो सालाकाति बुथ आफादगिरि इन्त्यज आली आरो ब्लक लाइमोन दालायनि आफादगिरि सादेक आलीमोनहा बिपिएफ दोलोआव हाबफैयो। दोलोआव हाबनाय हाबाफारिआव साफ्रोमनोबो बिपिएफनि सालाकाति गौथुमारि बियाबनि एमसिएलए देरहासाद बसुमतारीआ गामसाजों आरो दोलोआरि नेरसोनजों बरायो। बिथाड इउपिपिएलनि 5 बोसोरारि खुंथाइ समाव सोलायथाइनि सरकारआ लामाफोरजों लोगोसे सरसनस्हा रइजो-रजाफोरनि जेबो जौगाखां होनो हायाखै, जायनि थाखाय दिनै खुंथाइआव थानाय दोलोनि फारसे गोसो गोजोनैयाव मोनसेल' जौगाखंनायनि सार्थआवनो बिपिएफआव हाबफैदों। इउपिपिएल दोलोआ सरकारि गोहोखौ गात्रियै बाहायनानै अरुणदय, प्रधान मन्थ्रि गृह आवाज यजनाजों लोगोसे सरकारनि गुबुन-गुबुन बिथांखिफोरनि मुडव रजखांन्थि खालामबोदों होन्ना बिथाड अजद दैखांदों। बे बिथिडव इउपिपिएल दोलोआ एमएलए लरेन्स इस्लारिखौ सालाकातिआव बिजाथि फसडेब्ला सालाकाति बियाबाव जेबो गोर्नाथि मोन्नाय नड्ड आरो लरेन्स इस्लारिआ सालाकाति बियाबाव मोजं मोनजाया होन्ना बुडे। सालाकातिआव इउपिपिएल दोलोआ बिसायख 'थि गेलेब्लाबो बिपिएफ दोलोनि थाखाय जेबो फेक्टर नड्ड होन्ना एमसिएलए देरहासाद बसुमतारीआ होन्ना बिबुंथि लाखिदों।

## हरिसिंगा ब्लक कमिटि बि पि एफ हान्जाया मुलगुनां आबहावा सानजों लोब्बा लाखिनानै बिफां फुलि गायदों

सानजों लोब्बा लाखिनानै 200 नि बांसिन बिफां फुलि गायनाय जायो। हरिसिंगा ब्लक कमिटि बि पि एफ लाइमोन गांखंनि आफादगिरि मानिक बसुमतारीनि दैदेन्नाय दिनैनि बे हाबाफारियाव मिरु बि पि एफनि लोगो आफादगिरि रबिनसन मोसाहारी, मिरु लाइमोन गांखंनि आफादगिरि रिन्जय बर', मोनसे समनि बि टि सि एल एनि बुंथिगिरि त्रिदिप दैमारि मोनहा गाहाइ आलासि महरै बाहागो लानाय जायो। उदालगुरि जिल्लानि सिडव थानाय मोनबा ब्लक कमिटियाव दिनै मिरु बि पि एफ लाइमोन गांखंनि बिथोन बायदियै जिल्ला नाँडे 1 रोजानिबो बांसिन आबहावा सानजों लोब्बा लाखिनानै बिफां गायनाय जादों होन्ना फोरमायो बिथां बर'आ। राजखान्थि फोथाराव समाज जौगानायनि खामानि मावनायनि अनगयैबो थांनाय गोलाव समनिफ्रायनो बि पि एफ हान्जाया बायदि समाजारि खामानि फोरखौबो लाबोबाय थाबोदों आरो दिनैबो बेबायदि हाबाफारिखौ समाजनि ओनसोलनि आबहावाया गुबुंले जानाय नायफिन्नाय रेखाथि मोननांगीनि थाखाय बेफोर बायदि बिफांफोरखौ गायनाय जादों होन्नानैबो बुंडे। आरो बियो इयुनाव बे ओनसोलनि राइजो राजाफोरनि थाखाय फिथाइ गोनां जागोन होन्नाबो बुंदों। बेराफारसे खोरंगिरि फोरनि सिगाडव बिथां बर'आ बुडेदि, बि टि सि बिसायखिथिनि थि समखौ दासिमाव फोरमायनाय जायाखैब्लाबो सेपेम्बर दानाव खुंजानायनि मोनसे इसारा मोन्नाय जादों। हरिसिंगा बियाबआवबो बेखेबाव बि पि एफ हान्जानिफ्राय जाय बिजाथियानो हान्जानि जानानै बिसायख 'थियाव गसंगोन बेनो जौसे जौखोन्दो देरहासात जानो हागोन। थांनाय बिसायखथियाव खुंथाइ सरकारनिफ्राय जाय बिजाथिया देरहासात जालांदोंमोन बिथांङ सोलायनायनि मुं लानानै देरहासात जानो हादोंमोन। नाथाय जेरै बायदियै बिसायख 'थि समाव राइजो राजाफोरनि सिगाडव खोथा होदोंमोन बेबायदि खामानिफोरखौ मावफुंनायाव बियाबनि एम सि एल एआ फेलें जानो गोनां जादों। बेनिखायनो बियाबनि राइजो राजाफोरा बि पि एफ हान्जाखौ हरिसिंगा बियाबाव दिनैनि सानाव सेथि मासियाव दोनदों। आरो देरहासात जानाया रोखा खासै। इउ पि पि एल आरो बि जे पि राजखान्थि हान्जाया बे बियाबआव बिजाथि फसंब्लाबो देग्लायनि बिसायखथियाव हरिसिंगायाव बि पि एफआसो देरहासात जानाया रोखासै होन्नानैबो दिनैनि बुब्लियाव बिथां रिन्जय बर'आ गोखों रावजों बिबुंथि होयो। गोबां बि पि एफ हान्जानि दैदेनगिरि आरो मावथि बिथांमोननि बाहागो लानाय आरो राइजो राजाफोरनि मददथियाव दिनैनि 5 जुन मुलुगनां आबहावा साननि लोब्बायै बिफां गायनाया हाबाफारिया जागायनायनिफ्राय लानानै जोबजासिम मोनसे मेहेरगोनाँडेजानानै थाडे।

# रंजालि गथ'फोरनि सौरा मेचि गाथोननि जुम्बा आदुंगारि

जिरि जिरि बोहैनाय मेचि दैसानि गाथोनाव दुगैनाय सोर नों सिखोला , मेचेहारिनि गिबि खबाम सुजुदोंमोन गिबि खन्थाइ संसार संनानै गिबि जिउ खुंनाय ।

खोनादोंमोन नोंखो ----- बबेबा समनि मानसि लेन्डनि उड़ाल सेरफाडव राजि जुरिजेननाय तिबडनि बांग्रिआव खारस्त्रावबाय सानजा सोनाब साहा खोला हारिनि राव हारिमु सेरखाय फैरखाय जाबाय ।

जिउनि बिख्तोखो नों बना गोदानै माइज्लि फोबानो ओंखार बोबाय नेपाल हाजोनि मेचि सेरफाडव ।

मुगायै मुगा बारहुंखाजों सिम्ब्रे जाना मुगायै मुगा गुबुनजों नाखेब जाना , अब्लाबो दडे नोडे मिरौ-जिरौयै गिनाय गैयै जोंखोल मोखां ।

पबित्रब्रत दैमारी ग'लाघाट

मिजिं मिजिंनि आगोमा थप्लायारव इसे अन्नाय मोनोमोनब्ला गोर्बोंआव जुना दोनगोमोन बेसेदि मोजां जागौमोन। दालाय माथो जाखोबा लोरगि गोयै दिडयाव फजना नंखाय अन्नाय दिन्थिना लामाफ्राखो आन्दाय होबाय आंहासो सोमो नांबाय। नों आंखौ गोसोखाड जाबाय आंनि महर मुस्त्रिया सोमबाबा जालांबाय गोसोआ गुबुंले जाबाय। हास्त्राव हासो नामा आंहा रज' जालिया जेबोनो लेउवा लाठा बेन्दों बेन्ला जाबाय गासै लरहाइला। 'मिजिं' आंनि थालांसिगोन सिमांआवबो मोनदायै आसखान्दासो मोनबाय गोसोआबो उनफिनबाय।

हेमन्त स्वर्गीयारी

हावरिया खाफाल आय जिउ नोंनि बेसेबा दुखु-दाहा हांमा बुंस' हाया फोरमायस' हाया नोंनि जिउ दैथुनखौ। हास्त्रायनाय दंमोन नोंहाबो दिनैनि मुलुगुआव आगान सुरलांनो मिजिंक दंमोन नोंहाबो गंसे दिड जावलांनायनि, नाथाय गैया दिनै... आगोनफ्रोम दुखुनि फाखनाव गिदिनांबाय मिजिंकखौ लानानै आलाइ-सिलाइ। नागिर बायो नों गुबुननि साया गैया नाथाय नोंजों लोगोयाव मोनाखैसै नों सुखुनि देंखो खुसिनि मेथाइ, खालि नुबाय नों गावजों गाव नासयनाय, मुगैलायनाय गाबनाय दुखु दाहानिल' देंखो।

जनन कुमार बसुमतारि गामि: सा थाइगिरगुरी( खुंग्रि )

आदुंगारिनि रावआव सोरनि राव ? जानो हागौ, सोरबा जोहोलावनि गोदैरावमोन ! जाय दिनै रस गैयि जाबाय। आदुंगारिनि मेगनाव मानो मोदै ? जानो हागौ, सोरबा जोहोलावनि लामा नायैनायै दिनै सान हाबनायनि सम जाबाय।

बारमोदाइनि बादि सोरबा जोहोलावनि अननायखौ जानो हागौ, आदुंगारिया बजुजिस' हायाखेमोन, समायना मुलुगनि बिखायाव सोमखे महर दं जानो हागौ आदुंगारिया सानाखेमोन।

सोरबा जोहोलावनि नंखाय रादायाव, फोथायसुलि गावनि आखुआव, दिनै आदुंगारिया लाजि नांबाय, मुलुग संसाराव आनदायनांबाय।

आदुंगारिनि जिउआ दिनै खोमसि , आदुंगारिहा दिनै रावबो गैया। आदुंगारिनि रावआव सोरनि राव ? आदुंगारिनि रावआव जोहोलावनि नंखाय राव, आदुंगारिनि मेगनाव मानो मोदै ? आदुंगारिनि मेगनाव हांमानि मोदै ?

मिथिंगा ब्रह्म थावनि: दतमा, गयबारि

आं थांगोन-नों थां मुलुगा गुस्लायसुला मिथिंगाया सोलायसुलि नोंनि सानस्त्रिफोरा दिदोम नडै आं दिदोमै थायो नोंसोरनि गेजेराव।

सोमखोर गाब लानानै दुंखावनायखौ मन 'नानै सुदेमखौ बिलायो आं नोंनो बिदिनो आं थांगोन नोंबो थां।

गाबोन दानफायनायनि मिजिंब्ला दलरै रज 'नाय आनि आथिफोरखौ बस 'ब्रननानै दाहो-आं रानज्रिलांगोन गाबोन दानफायनो मिजिंजों आंखौ दिनै दागाय।

आंखौ थांनो हो बे हालामाव नोंखौ फोथाना लाखिनो आं नाजागोन दिनफोरा गुस्लायलांगोन आरो नोंसोरबो नाथाय, आं दिदोमै थायाब्ला मिथि नों खैफोद गोनां।

आं थांगोन-नों थां मुलाम्फा लानायनि फासैल' दासान फोथाना लाखिनो गुबुननो होनोबो सान गाबोन दानफायनो मिजिंजों आंखौ दिनै दागाय।

गलाप खुंगुर बसुमतारि कक्राझार।

अखा दामब्रा जोंहानि सिथ्लायारव फ्रि फ्रि अखा हादों आगैजों आंजों जोबोर रंजादों सानैबो खामसालिनिफ्राय ओंखारबोदों सिथलयाव अहाया अहाया हाजासे गेलेदों। आगैया बादामालियाव रिमोनलादों द्रोद द्रोद जिदुरुनाय गेलेदों आंबो खुरै गंसेयाव दै आजावदों आरो साथिं देखौ गारदाव होदों। आबैया गगामोनगोनहाय फिसौफोर बुंदों आइया रायना बुनो होसोदों आफाया लोमजागोनलै फिसाफोर बुंहरदों आबौवा हामालै हामा फिसौफोर बुंदों। दसे उनाव अखा दामब्रा हादों सार'न्थाय गावदों-अखा मोफ्लामसोदों लुदुम-लादाम अन्थाय गोलैसोगारदों सानैबो गिना खामसालियाव बारखो फैदों। अखानायै आगैया हारसिउबाय थादों मोनाबिलिनिफ्राय बियो लोमजादों आइया सानैखौबो बखि बखि रायदों आबैया थाव गुबैजों सामब्राम गुफुर एवदों बे थावजोंनो आगैनो मालिस खालामना होदों।

-मुकुत प्रसाद बर', रडिया

**AFFIDAVIT**

I, **HIRANYA ROY**, aged about 38 years, S/O- Late Sushil Ch. Roy, a resident of Village.- Chengmari under P.O.- K/Bhotgaon, P.S.- Kokrajhar, Dist.-Kokrajhar, BTR, Assam, do hereby solemnly affirm and state as follows:-

- That, I am an Indian Citizen by birth and permanent resident of the above noted address.
- That, my deceased father's actual and correct name is "**SUSHIL CH. ROY**" which is recorded in his death Certificate, Vide Regd No. **D-2022: 18-00040-000535**.
- That, in the Jamabandi of land records, **Vide Patta No. 14, and Dag Nos. 103,108,13,185,54,55,58, Patta No. 99 and Dag No. 208 and Patta No. 125 and Dag No. 169**, which are situated at Village.- Chengmari under Kokrajhar Revenue Circle, Kokrajhar and **Patta No. 69 and Dag No. 234** which is situated at Village- Khutamari under Kokrajhar Revenue Circle, Kokrajhar, wherein my deceased father's name has been wrongly recorded as "**SUSHIL ROY**" and "**SUSHIL KR. ROY**" instead of his actual and correct name "**SUSHIL CH. ROY**".
- That, I do hereby declare that "**SUSHIL CH. ROY**" and "**SUSHIL ROY**" as well as "**SUSHIL KR. ROY**" is the same and one identical person i.e. my deceased father and none other else.
- That, I am swearing this affidavit to ascertain the above facts and to avoid the confusion regarding my deceased father's name as well as rectification/correction in the rights of land record as stated above and to produce the same before the concerning authority and for doing needful purpose accordingly.

All the statements made above are true to the best of my knowledge, belief and information.



**बड'सा****6 बिलाइ**

(□ 1 विलाइनिफ़्राय)

## लाभलिना बक्सिं एकाडेमिआ गोदान जोलैफोरनि गेजेराव थुलुंगाखां होगोनः गिबि मन्थि

गलाघाट जिल्लानि बरफोथारनिफ़्राय टकिय’ अलिम्पिकआव ब्रन्जनि मेडेल लाबोनो हानायसिम लाभलिनाया मोनसे जाफुंसार लामाखौ बारबोबाय । 2०२४ माइथायआव पेरैरज अलिम्पिकआव हादरखौ सिनायर्थि होनायजौ लोगोसेनो एसियन सेम्प्यनसिफ, मुलुगनां बक्सिं सेम्प्यनसिफ बायदि बायदि मुलुगनि गोबां मुलुगनाडरि आरो हादररि बक्सिं बादायलायनायब मेडेल देरहानो हाग्रा लाभलिनाआ हादरनि गेलेमु जारिमिनआव गावनि मुंखौ सलानि हांखोजौ लिरनाने गालांनो हाबाय होन्ना गिबि मन्थिआ फोरमायदों । अर्जुन बान्था, मेजर ध्यानसान्द केलरत्न बान्थाजों मान होजानाय लाभलिनानि जाफुंसारनाया जौनि राइज्योनि गेलेमु आरो बक्सिंनि अनसायनायखौ आबुङे बांहोनो हादों । अलिम्पिकआव मेडेल देरहानायनि उनाव समाजनि थाखाय माबा मोनसे खालामनारयनि सिमां लानानै लाभलिनाया गोदान जोलैनि गेलेगिरिफोरनो मुलुगनाडरि थाखोआव खेला गेलेनो साहस आरो थुलुंगा होनो हानाय बायदियै लाभलिना बक्सिं एकाडेमि गाइसन्दों । २०२१ माइथायआव लाभलिनाआ बाइनाय हायाव गाव थिखानाय रंजों एकाडेमिखौ लुफुंनानै बेखौ बक्सिं फोरेंथाइनि थाखाय नांगौ जानाय गसिबो खाबुफोरजों आबुं खालामदों । सा १०० सोलौसाफोर सोलोंथाइ लानो हानाय बायदियै बे फोरेंथाइ मिरुखौ खालामनाय जादों होन्ना फोरमायनानै गामियारि ओन्सोलनि दुखुथिया गेलेगिरिफोरबो जाहाते बे बक्सिं एकाडेमियाव खाबु मोन्नो हायो । बेनि थाखाय फोरेंथाइनि बेसेनखौ ५०० रखव थि खालामनाय जादों । गासैबो गोसो गोनां गेलेगिरिफोरनो बे गेलेनायाव खाबु लानो हागोन होन्ना गिबि मन्थिआ फोरमायदों । गोदान जोलैनि थाखाय लाभलिनाया आइकन महरनि होन्नानै गिबि मन्थिआ फोरमायबावदोंदि, लाभलिनानि गावआरि दैदैनयाव बे बक्सिं एकाडेमिआ ओन्सोलनि जिउआव गोदान जोलैफोरनि गेजेरव थुलुंगाखां होगोन आरो गोबाडनो लाभलिनानि सोरंजनायजों गावसोरखौनो फसंथानो नाजालांगोन । गिबि मन्थिआ फोरमायबावनाय बायदिब्ला जारिमिननि बिलाइ बोदलायोब्ला नुनो मोनोदि, बक्सिं गेलेनाया १५०० जौथाइआवनो जुरिजेनदोंमोन । बै समाव बे गेलेनाया खुंफुंजायाखैमोन । बे गेलेनायखौ अन्सायनाय बांहोनायाव रमानफोरनि बिहोमाया गोबांथार होन्ना मिथिहोदों । १७०० जौथाइआव बक्सिंआ फिन सिखांबोफिनदोंमोन आरो १९०४ माइथाइआव बक्सिंखौ अलिम्पिकआव सोफादेरनाय जादोंमोन होन्ना फोरमायनानै जौनि हादराव १९५० माइथारयनि मार्च दानाव माहारियारि सेम्प्यनसिफ खुंफुंजाय जादोंमोन होन्ना फोरमायो । गावनि बिबुंथियाव आसामाव बक्सिं जारिमिननि गिबिसिन दावबायनायखौ उलुबारि बक्सिं क्लाबआ खालामजेनदोंमोन । गुवाहाटी नोगोरमानि उलुबारिनि कसारि बन्थि ओन्सोलआव १९५० माइथायआव उलुबारि बक्सिं क्लाब गाइसनाय जादोंमोन । बे क्लाबनि नाजानायवनो बोसोरारि थागिदायाव बक्सिं बादायलायनायबो खुंफुंनाय जादोंमोन । बे क्लाबअनो आसामनि जानानै माहारियारि बादायलायनायफोरव बाहागो लादोंमोन । आसामाव बक्सिं गेलेनायनि बिथिडव आसाम एमैसार बक्सिं एससियेसनआ मख जा्थाव बिफाव लादोंमोन । १९७९ माइथायआव गाइसन्जानाय बे फसंथानआ बोसोरफ़ोमबो जिल्ला थाखोआव बक्सिं बादायलायनाय खुंफुंनोबाय थादों आरो बे फसंथानअनो नेसनेल सम्पियनसिफआव बाहागो लानो गोनां गेलेगिरिफोरखौ फोरेंथाइ होबोगासिनो दङ । साबना हामना हाबाफारिनि गेजेरजों बक्सिं गेलेनायखौ सिगां फारसे लानारयनि बिथिडव लाभलिना बक्सिं एकाडेमिआ गोनांथार बिफाव लानो हागोन होन्ना गिबि मन्थिआ मिजिं फोरमायदों । गिबि मन्थिआ फोरमायबावनाय बायदिब्ला मुलुगनाडरि थाखोआव आसामआ २००४ माइथायआवनो जागायजेनदोंमोन आरो थुकीनि इन्स्टयन्तुलआव खुंफुंनाय मुलुगनाडरि आइमेरट कमाटै सेम्पियनसिफआव गिबिसिनि आसामनि जानानै प्रनालिका बराआ खाबु मोनजेनदोंमोन । बे बादायलायनायाव बराआ ब्रन्जनि मेडेल देरहादोंमोन । २००५ माइथायआव कलपना चौधुरीआ मुलुगनां सेम्पियनसिफआव ब्रन्जनि मेडेल २००६ माइथायआव प्रतिभा कसारिआ २१ थि आइमेरट कमाटै बक्सिं सेम्पियनसिफआव ब्रन्जनि मेडेल देरहानो हाबावदोंमोन । उनैनि समाव गुवाहाटीआव खुंफुंजालांनाय ४ थि आसाम बक्सिं सेम्पियनसिफआव कलपना चौधुरीआ सनानि मेडेल देरहानो हादोंमोन । भारतारि बक्सिं गौथमनाव २०११ माइथायआव खुंफुंनाय लाइमोन आइजो बक्सिं सेम्पियनसिफआव मिनि बसुमतारीआ सनानि मेडेल देरहानानै आसामनि मुंखौ गोजूआव दिखांदोंमोन । सिब तापाआ गोबां खेब अलिम्पिकनि बक्सिं गेलेनायाव बाहागो लानानै आसामखौ गोग्गाहोनो हादों । बेबायदिनो आसामनि भाइयबति कसारि, फैलाव बसुमतारि, जमुना बर’, कुलेन बुरगहाइ, अमिसा कुमार भारति, रुमि गगै जयकुमारि लामा, जाह्लिब गगैजौ लोगोसे गोबां गेलेगिरिफोरनो हादररि आरो मुलुगनाडरि थाखोनि बादायलायनायाव बाहागो लानानै मेडेल देरहाबोनो आसामनि बक्सिं बिथिंखौ मोनसे मख थाव थाखोआव लाबोनो हादो । अंखुसिबन बर’आ २०१८ माइथायआव खुंफुंजानाय मुलुगनां सेम्पियनसिफआव सनानि मेडेल देरहादोंमोन । टकिय’ अलिम्पिकआव भारतखौ दैदेन्नानै लाभलिना बरगहाआ ब्रन्जनि मेडेलजों आसामनि जारिमिनाव अलिम्पिकआव मेडेल देरहानो हाग्रा गिबिसिन महरै गावखौनो सिनायथि होनो हादोंमोन । बेबायदियै जों गासैखौबो नोजोर खोख्खोयेब्ला बुनो हायोरि, गोदान जोलैनि लाइमोनफोर बक्सिंखौ मोनसे केरियाय महरै आजावनो हायो । आसामआ गोबां मुंदांखा बक्सिं गेलेगिरिफोरखौ जोनोम होदों होन्ना बिदिन्थि होनानै गोदान जोलैनि लाइमोनफोर बक्सिंखौ लानानै जेबो रोखेमनि गाग्रि सान्नांगौ गैया होन्ना फोरमायथिदों । गिबि मन्थिआ सा गुवाहाटीयाव लाभलिनाखौ बक्सिं एकाडेमि गाइसन्नारयनि थाखाय साबायखर बाउदों । बे एकाडेमियाव गेलेनो फैनाय फरयसाफोरखौ हेफाजाव खालामनो थाखाय ओन्सोलनि राइज्योफोरखौ खावलायनाय जायो । लाभलिना बरगहाइनि गाव हारसिङै गाइसन्नाय बे एकाडेमिनि हरस्टेल बायदि बायदि सोर थाथाइआरि लुफुंथाइखौ मावफुंनो थाखाय राइज्योनि गेलेमु बिफानआ २ कौटि रं गनार्यथि होनायजों लोगोसे राइज्यो सरकारआ बे बिथिडव हेफाजाव खालामनोन होन्ना गिबि मन्थिआ खोथा होदों । आथिखालआव ऊ शर्मा दैदेन्नाय बिजेपि सरकारआ राइज्योआव गेलेमुखौ फोजौखौनो थाखाय गोबां गोदान गोदान बिर्थांथि आरो स्टेडियाम लुफुंनानै होबाय थानायखौ नुनो मोन्दों । आमिनगावनि गेलेमु बिर्थांथि, क्रिकेटै स्टेडियाम लुफुंनाय खामानियाबो सोलिगासिनो दङ आरो चन्द्रपुराव गेलेमु बिर्थांथि लुफुंनायबो जागोन होन्ना गिबि मन्थिआ फोरमायनानै सरुफोथाराव लाभलिनानि मुङे २५ कौटि रं बाहायनानै स्टेडियाम लुफुंबाय थानाय जादों होन्ना मिथिहोबावदों । बे गेलेमु सोमावसारनायखौ राइज्यो सरकारआ दैदेनलानो थाखाय खामानि मावगासिनो दङ। गिबि मन्थिआ फोरमायबावनाय बायदिब्ला नेसनेल गेम्सआव देरहासार जाबोनो हानाय गेलेगिरिफोरनो साखि होनायथि रहा खालामनाय जादों । गेलेनायनि खबु जानाय बायदियै जहाद, गुवाहाटी आरो कक्राझारआव हाइ फारपरमेस मिर् लुफुंनाय जादों । जेराव जखम जानाय आरो देहायारि खबुनि थाखाय आबुङे गोनोखोआरि रहाजों गेलेगिरिफोरनो खाबु होनाय जागोन । आमिनगावआव बेटमिन्त चेन्तार अफ एकसिलेन्सबो गाइसन्नाय जादों । आरो मुलुगनां थाखोनि सुइर्मिफलबो लुफुंन्नाय थानाय जादों । आसामआव २ रोजा हौवासा–हिन्जासफोरा हरस्टेलआव थानानै फोरेंथाइ लानो हानाय बायदियै फैगौ ५ बोसोराव स्प्टेस हरस्टेल लुफुंनारयनि बाश्त्रा गिबि मिन्थ्रआ फोरमायबावदों । राइज्यो सरकारआ खुंफुंनाय खेल महारनि गेजेरजों राइज्योनो सा ६०० गेलेगिरिफोरखौ सिनायर्थिनो हानाय जायो । दिनेनै बे हाबाफारियाव गेलेमु आरो लाइमोन अन्साइ बायदि बिफाननि मन्थि नन्दिता गार्लसा, एमएलए दिगन्त कलितानि अनगायैबो पुलिस गाहाइ सामलाइगिरि हरमित सिं, गेजेर–सोनाब खोन्दोंनि डिआइजि इन्द्रानि बरूवाआबो बे एकाडेमिनि गाइसन्नाय एबा मुलुगनाडरि बक्सार लाभलिना बरगहाइ आरो गेलेमुजौ लोब्बा गोनां गोबां गुनि गियानि सुबुंफोरनो बाहागो लानो हानायखौ नुनो मोन्दों □

***उदालगुरिनि गुबुन-गुबुन ओन्सोलफोराव मुलुगनां आबहावा सान फालिदों***

लोब्बा लाखिनानै आम्बागावनि इउएन एकाडेमि, तामुलबारि एक चरण भागबति समाज आरो तामुलबारि नामघड़ महापुरसिया सन्थ’ समाजनि बान्जायनायाव बे आबहावा सानखौ फालिनाय जायो । गिबिसिनाव आम्बागावनि इउएन एकाडेमिआव धनसिरि हाग्रा खोन्दोनि बिबानगिरि मुस्ताफा आलि आहमेदइआ बिफां फुलि गाइनानै मुलुगनां आबहावा सानखौ जागायजेनो । बिर्थानि दैदेन्नायाव प्लाष्टिक बाहायनारयनिफ़्राय जानगराव था, बे बोसोरनि गाहाइ मन्थि नि सियान नोजोर होनानै राइजो–राजाफोरखौ प्लाष्टिक बाहायनारयनिफ़्राय गोजान जानो खावलायो । बे बिथिडव सिनि मना बाहोनो थाखाय खावलायनाय जायो । बेनि अनगायैबो बिथाङ रेड क्रस ससाइटिखौ ५ निफ़्राय ६ रोजासिम बिफां फुलि गाइहोनाय जागोन होन्ना फोसाबो आरो राइजोफोरनि हेफाजाबआव गुबुन–गुबुन ओन्सोलफोरव बे बिफां फुलिफोरखौ सैरैखाथियै गाइनायआव गोनांथि होनो बिथोन होयो । रेड क्रसनि जिल्ला आफादगिरि दालिम बायनआ बिफां फुलि गाइनायजों लोगोसेनो गेदेर गोलाव खालामनारयनि सायावबो बिबुंथि लाखियो । आबहावाखो समानथि लाखिनारयनि थाखाय हाग्रा बिफाननि हेफाजाबआव राइजोफोरखौ हेफाजाव खालामनो रेड क्रस ससाइटिआ जेब्लायाबो सांग्रा होन्ना फोरमायनानै गोदान हेरनो गोनां बिफां फुलि गाइनारयनि बिथिडव मोनसे जर’खा हाबाफारि लानाय जागोन होन्ना फोरमायो । रेड क्रसनि जिल्ला नेहाथारि ऊ मिलन दासआ सामलायनाय बे हाबाफारियाव रेड क्रसनि सोद्रोमा एबा लाइमोन दैदेनगिरि बिस्वजित राभाआ गोनांथार बिबुंथि लाखियो । मख’नो गोनांदि बिस्वजित राभानि बान्जायनायावनो बे गासैबो हाबाफारिफोरखौ जाफुंसार खालामनो हादों । दिनैनि बे हाबाफारियाव ननाइ रेन्जनि हाग्रा बिबानगिरि एबा रेन्जार प्रान्जल पातवारि, इउएन एकाडेमिनि गोरारुं जिकुस बसुमतारी, फरयसा–फरयसुलि, फोरोंगिरि, बर’ फरयसा आफाद, आम्बागाव दख’ग आफादगिरि भबने सरगीयारिजों लोगोसे गोबां गुनि गियानि सुबुंफोरनो बाहागो लानो हानायखौ नुनो मोन्दों □

## तामुलपुर जिल्ला दुलाराय बर’ फरायसा आफादआ ५ जुन मुलुगनां आबहावा सान फालिदों

सान फालिनायजों सोमोन्दो लाखिनानै बिफां फुलि गायनाय मेहेर गोनां हाबाफारिया जानानै थाडे । बे हाबाफारियाव गिबि बिफां फुलि गाइजेगिबि महरै बाहागो लायो तामुलपुर सेनियर सेकेन्डरि फरायसालिनि पिजिटि ऊ बिनद कुमार बर’ बिथाङ बाहागो लानानै हाबाफारिखौ मावफुंनानै हायो । बिथांजों लोगोसे जिल्ला एबसुनिफ़्राय बाहागो लायो फारियै तामुलपुर जिल्ला दुलाराय बर’ फरायसा आफादनि आफादगिरि बासिराम रामसियारि, गाहाइ नेहाथारि जिवन बसुमतारीजों लोगोसे जिल्लानि बिबानगिरिफोरजों लोगोसे दख’रा, दालाय एबसुनि बिबानगिरिफोर आरो गामिनि राइजो–राजाफोरनि लुजाथिनारयजों आबुुथियै जोबनानै थाडे । बे हाबाफारियाव मुलुगनां आबहावा सानजों सोमोन्दो लाखिनानै तामुलपुर जिल्ला दुलाराय बर’ फरायसा आफादआ २०० निबो बांसिन बिफां फुलि गायनायजों लोगोसे आबहावानि सायाव गुवारै सावरयलयनाय जानानै थाडे □

(□ १ विलाइनिफ़्राय)

## मोनसे गोबां सानआरि मिजिंआ दिनै आबुं महर मोनबायः रबिराम ब्रह्म

बांसिन फरयसा–फरयसुलिफोर सावगारि बोनाय आरो महर सोरंजिनारयनि गियानखौ मोननो हादों । ४२ लाख रं खरसा खालामनानै लुफुंनाय बे आर्ट गेलारिआ गोबाव बोसोरनिफ़्रायनो गोसोआव फिनानै दोनबोबाय थानाय मिजिंखौ जाफुंहोनायाव आबुं जाबाय होन्ना मुंदांखा सावगारि आरो महर बोगिरि रबिराम ब्रह्मआ फोरमायथिदों । बे आर्ट गेलारिखौ बेखेवनानै होनो मोन्नानै जोबोद गोजोन्नाय मोन्दों आरो सोलोंथाइ बिथिडव ओन्सोलनि, समाजनि फरयसा–फरयसुलिफोर थुलुंगाखां मोन्नानै सावगारि बोनाय आरो महर एरखानायखौ गाव–गावनि सोलौंनागौ आयदा महरै आजावनायाव गोबां थुलुंगा होगोन होन्ना बिटिसिनि लेखय गाहाइ मावफुं सोद्रोमा गबिन्द चन्द्र बसुमतारीआ फोरमायथिदों □

## कासार जिल्ला खुंथाइआ दै बानानि थाखाय फरायसालिखौ बन्द ’ फोसावदों

लोमसावजानानै दङ। कासारनि जिल्ला बिज्रिसालिया बिथोन होनाय बायदियै जिल्लानि गासैबो सोलोंथाइ फसंथानफोरखौ ८ जुनसिम बन्द’ लाखिनाय जागोन । खुंथाइआ सिगांनि बिथोनआव ३ जुनसिमल’ सोलोंथाइ फसंथानफोरखौ बन्द’ खालामनो बिथोन होदोंमोन । उनिनि समाव बे बन्द’खौ ४ आरो ५ जुनसिम बांहोनाय जायो । दै बानानि थाखाय दिनैसिमबो दै बानाजों लोमसावजानाय सुबुंफोरा सोलोंथाइ फसंथानफोरव राह बादायव थाबाय थानांनायव ६ जुन सकुबाराव सोलोंथाइ फसंथानफोरखौ बन्द’ लाखिनो बिथोन होयो । ७ जुनआव इङ–उज–जहा आरो रबिबारा सप्ताहयारि बन्द’ जानारयनि थाखाय फैगौ ९ जुनआवसो सोलोंथाइ फसंथानफोरा खुलिजासिगोन होन्नान कासार जिल्ला खुंथाइआ बिथोन होनायखौ नुनो मोन्दों □

***बाकसा जिल्ला खुंथाया मुलुगनां आबावहा सान फालिदों***

बाक्सा जिल्ला खुंथायनि हेफाजाबाव हारिमुआरि बिफानजों खुंजानाय जथुमाव बिबुंथि होनानै, जिल्ला बेंगिरि श्री गौतम दासआ प्लास्टिकनि बाहायनायखौ आबुङे बोखारनारयनि गोनांथिनि सायाव गोसो होदोंमोन आरो प्लास्टिकनि गाग्रि गोहोमफोरनि बादै सांग्रांथि बांहोदोंमोन । बिथाङ फरायसाफोरखौ गावसोरनि बिमा–बिफा आरो समाजनि सुबुंफोरखौ हाथाइ–बाजारआव प्लासटिक बाहायनायखौ बाइज खालामनो थुलुंगा होनो खरखलायदोंमोन । बिथाङ पिकनिक एबा बायजोआरि हाबाफारिफोराव फिन बाहायजाग्रा दैनि बथलफोरखौ बाहायनो खावलायदोंमोन आरो बिर्थांमोनखौ सानफ़्रोमबोनि जिउआव प्लास्टिकनि बाहायनायखौ बाइज खालामनो समायखिरा लानो खावलायदोंमोन । बे हाबाफारिनि बाहागो महरै, कमिसनारनि दैदेन्नायाव फरायसालिनि सोरगिदित बिफां गयनाय हाबाफारि खुंनाय जायोनो बे नाजानायख, जायगायारि मटर साइकेल क्लाब, कचारी हग्मस आरो एम.सी. बङ’लेन्डआ हेफाजाब होयो । जिल्ला बेंगिरि दासआ फरायसाफोरखौ बिफांफोरखौ जोथोन लानो थाखायबो खावलायदोंमोन । बे फालिथायाव गुवाहाटीनि नर्थ ईस्ट ड्रामा एन्ड फिल्म मेनेजमेन्ट स’साइटीजों ‘‘रिवर सिकनेस’’ मुंनि मोनसे लामानि थुनफावथाय खुंनाय जादोंमोन । बे फालिथायाव, लोको कमिसनार श्री जितु राज गगै, लोगो जिल्ला बेंगिरि श्री मुस्तफा सालिम आहमेद, मुसलपुर गोजौसिन गेजेर फरायसालिनि हाहाय फोरोंगिरि श्रीमती निरुपमा हलाई, डिएफअ’ श्री प्रदीप कुमार भुइयान, जिल्ला डिपिअ’(टीटी) श्री प्रनव ज्योति कलिता आरो गुबुन मावख गिरिफोरा बाहागो लादोंमोन □

## वालाफारायाव बिकेडब्लिउएसिआ मुलुगनां आबहावा सान फालिदों

सानआव जागायजेन्नायनिफ़्रायनो बिफां फुलि गाइनाय राइजोफोरनि गेजेरव बिफां फुलि रनानै हस्नायजौ लोगोसे साब–सिखोन हाबाफारिबो मावफुंनाय जायो । सानजौफुनिफ़्राय बरपेट जिल्ला एबसुनि आफादगिरि यादब बर’नि मासि सामलायनायाव खुंफुंनाय प्लाष्टिक आबहावा गेब्रेनायखौ होबथानाय हाबाफारिखौ आबहावा सांग्रांथि मेलआव गाहाइ आलासि महरै बाहागो लानानै बिकेडब्लिउएसिनि मावफुं सोद्रोमा महिपाल बर’आ सुंद थै बिबुंथि लाखियो । सुबुं सावस्तिनि फारसे प्लाष्टिकआ जोबोद गिग्खंथाव होन्ना महिपाल बर’आ फोरमायदों । बे हाबाफारियावनो बरपेट जिल्ला बर’ थुनलाइ आफादनि आफादगिरि सुसेन चन्द्र सरगीयारि, आईटिईपिनि बरपेट जिल्लानि बाररा’ गोरारुं आनान्द बर’, सरुकेत्रि बर’ गोजू फरयसालिनि गाहाइ फोरोंगिरि प्रपुल्ल सनवाल, इडबिपिअ’नि बरपेट जिल्ला गौथुमनि आफादगिरि जयकान्त रामसियारि, बाथौ महसभानि सालाबारि जिल्ला गौथुमनि आफादगिरि मन्थुमनि वसियायारि, दुलाराय आसाम ट्राइबेल संघमनि बरपेट जिल्ला गौथुमनि आफादगिरि सतिस सनामुलियाआ बे आयदानि सायाव गुवारै बिबुंथि होनानै हाबाफारिखौ जाफुंसार होनायाव बाहागो लानो हानायखौ नुनो मोन्दों □

## ग’साइगाव बि.एड. फरायसालिमानि बान्जायनायाव मुलुगनां आबहावा साननि लोब्बायै बिफां गायदों

बे ज्यग’ आहुतिखौ दैदेनदोंमोन जयमागुरि गामिनि समरेन्द्र नाथ ब्रह्म बिथाङ । ज्यग आहुति जोबनारयनि उनाव हाबाफारि बादियै ग’साइगाव बि.एड. फरायसालिमानि एक्सटेन्सन चेलनि इन्चार्ज ममि बसुमतारीआ बराय बिबुंथि लाखिनानै हाबाफारियाव साफ़्रोमखौबो बरयो । लोगोसेनो बिफां गायनाय हाबाफारिया जायो । बे हाबाफारिखौ ग’साइगाव बि.एड. फ़रायसालिमानि गोरारुं लोगोसे एक्सटेन्सन चेलनि मासिगिरि ऊ अजित बर’ बिथाङ जयमागुरि गामिनि गेलेशा गुवार फोथारनि सोनाबहा फारसे फासै क्रिष्णसुरा आरो नारेंखल बिफां गायनानै बेखेवनानै होयो । लोगोसे आबहावा सानजों लोब्बा लाखिनानै हाबाफारियाव मेहेर गोनां बिबुंथि लाखियो । बिथाङ बुडेदि ‘‘ बिफां गायनाय हारिमुआ सुबुं समाजनि गेदेरथार हारिमु आरो बे हारिमुखौ गाव–गाव गायनानै दिन्थिथलाडेब्बा इयुन जोलेया सोलौंलांगोन । बिफां गायनानै बे जयमागुरि गामिखौ सोमखोर महर लाहोनारयनि थाखाय गसाइगाव बि.एड. कलेजआ नाजाबाय थागोन आरो साखोन सिखोन खालामनाय हाबाखौबो मावलांबाय थागोन’’ । बिथांजों लोगोसे हाबाफारियाव बाहागो लानानै बिफां गायनो हायो फारियै ग’साइगाव बि.एड. फरायसालिमानि लेङइ गोरारुं मु श्रीमा जेनेत सापार, आइ.किउ.ए.चि. कर्डिनेटर ऊ अलंबार सर्गियारी, आरो साफ़्रोम फोरोंगिरि, ट्रेनिज इडनिअन, लोगोसेनो बङ’ सिकसा संस्क्रिति न्यासनि दैदेनगिरि मुश्री मधु नाजारी, क’-कअर्डिनेटर, ट्राइबेल इडुकेसन, बिडाभार्ति, एकाल बिद्यालयानि लेङइ आफादगिरि मुश्री बन्न प्रसाद उपाध्याय आरो जयमागुरि गामिनि गावबुरा मुश्री चक्रजित ब्रह्म लोगोसे गामिनि राइजो–राजाफोरा । बे हाबाफारियाव बाहागो लानानै बङ’ सिक्षा संस्क्रिति न्यासनि दैदेनगिरि मुश्री मधु नाजारी, क’-कअर्डिनेटर, ट्राइबेल इडुकेसन, बिडाभार्ति, एकाल बिद्यालयानि लेङइ आफादगिरि मुश्री बन्न प्रसाद उपाध्याय आरो जयमागुरि गामिनि गावबुरा मुश्री चक्रजित ब्रह्म बिर्थांमोनहाबो आबहावा सानजों लोब्बा लाखिनानै बिबुंथि लाखियो । जोबथायाव बे सानसेनि मेहेरगोनां हाबाफारिखौ गसाइगाव बि.एड. फरायसालिमानि लेक सारार लोगोसे एक्सटेन्सन चेलनि सोद्रोमा मुश्रीमा कलपना सरेंनआ सानजौफु १२:०० रिंगायाव साबायखर बाउनानै हाबाफारिखौ फोजोबो □

## गिबि मन्थि ऊ हिमन्त बिश्व शर्माआ हाग्रा आरो आबहावा बिफानि गायनो क १२९ गारिफोरखौ प्लेगअफ खालामनानै गथायबाय

सानखौ फालिनाय जादों । मुलुगनां आबहावा सानखौ लोब्बा लानानै गाहाइ मन्थि नेन्द्र मदिआ हादरनि थागिरिफोरखौ गावनि बिमानि मुडव फांसे बिफां फुलि गायनो खावलायदोंमोन । बे खावलायनायखौ आगानसे सिगांहोनानै दिनै मोनसे पर्टेल बेखेवनाय जादों आरो बेनि गेजेरजों साफ़्रोम सुबुंफोरा गावनि बिमानि मुडव बिफां फुलि गायनानै पर्टेलआव आपलड खालामनो हागोन होन्नानैबो बिथाङ बुडे । बेनि अनगायैबो बिफाङ गेदेर जायोब्ला पर्टेलआव आपलड खालामलांबाय थानो हागोन । गिबि मन्थिआ बुंदोंदि, २०२४ माइथायआव ७० लाख बिफां फुलिखौ गावनि बिमानि मुडव गायनो भारत सरकारआ आसाम सरकारखौ खावलायदोंमोन । बे समआवनो थिखानाय थॉंखिखौ बारलानाय २२ लाखनिफ़्राय बांसिन बिफां फुलिखौ राइज्यो सरकारआ गायनो हादों । सोलिफु बोसोराव बेबायदिनो आरोबाव माखासे सुबुंफोरखौ राइज्यो सरकारआ थुलुंगाखां होनो हागोन होन्नानैबो गिबि मन्थिआ मिजिंथिदों । ए आइ आरो सेटेलाइटीनि हेफाजाबाव हाग्रा सिलिंखार खालामनाय, हाग्रानि हाखौ खहा खालामनाय बायदिफोरखौ थि समाव नायनो हानाय बायदियै दिनै मोनसे पर्टेल बेखेवनायनि बाश्त्राखौ मख’नानै गिबि मन्थिआ बुंदोंदि, बेनि गेजेरजों गिबि थाखोआवनो रहा लानो हागोन । बिथाङ बुंदोंदि सरयसन्हायै हाग्रानि हाखौ सिलिंखार खालामनारयनि उनावनो खौरं मोन्या जागोन । बे गोदान पर्टेलनि गेजेरजों थि समाव फोरमायथिखौ मोन्नो हागोन । बिथाङ लोगोसे बुंदोंदि, आथिखालनि राइज्यो सरकारआ खुंथाइ गोहोआव फैनारयनि उनाव थामथि हाग्रा रैखाथि हान्जा दादोंमोन । दिनै बे रैखाथि हान्जा ( बेटेलियन ) नो हाथियारफोरखौ गथायनाय जादों । मानोनो हाग्रा रैखाथि हान्जाया उदां आरो गोहो गोनां महरै खामानि मावनो हायो । गुबुन फारसे हाग्रा बिफाननि रेन्ज, डिभिजनफोराव गारि गगैनि आयदाखौ मख’नानै बिथाङ बुंदोंदि, बे ओंखालखौ सुफुंनो थाखाय दिनें गं १२९ गारिफोरखौ प्लेगअफ खालामनाय जाबाय । बिथाङ बुंदोंदि, टेरिटरियेल रेन्जफोरव गारि हरनो हानाय बायदियै राइज्यो सरकारआ आरोबाव गारिफोरखौ बायगोन । हाग्रानि हाखौ रैखाथि गोनां खालामनारयनि बिथिडव राइज्यो सरकारनि नाजानायखौ दिनैनै बे थांखिया आरोबाव बांसिनथारै सिगांलांहोगोन । गिबि मन्थिआ बुंदोंदि, भारत सरकारआ सिंगेल प्लाष्टिकखौ होबथानारयनि बिथिडव खामानि मावगासिनो आरो राइज्यो सरकारआ बेखौ सिगांलांहोगोन । बिथाङ बुंदोंदि, आसामनि सेंग्रा–सिख्लाफोरा मिनारेल वाटर बटलनि गं ६०० उद्यग गायसन्दों । बिथाङ लोगोसे बुंदोंदि, ५०० मिलिलितर दैनि बटलखौ होबथानारयनि बिथिडव राइज्यो सरकारआ जाफुंसारदों । गिबि मन्थिआ बुंदोंदि, आसाम सरकार आरो अइल इण्डियाआ जुथार्यै डिब्रुगड, तिनिसुकिया, चिलसर, तेजपुर आरो गुवाहाटीआव बाय ’ फुवेल थियारि खालामनो थाखाय रहा खालामना लादों । बेनि गेजेरजों प्लाष्टिकफोरखौ बुधुमनानै बे बिर्थांखिफोराव गथायनो हागोन । बेनि जाहोनाव जेंनाया गोबां बिबाडव सुस्रांजागोन होन्नानैबो गिबि मन्थिआ बुडे । दिनैनै बे हाबाफारिआव हाग्रा आरो आबहावा बायदि बिफाननि मन्थि चन्द्र महन पातवारी, एमएलए दिगन्त कलितामोनजों लोगोसेनो जर’खा गाहाइ नेहाथारि ( हाग्रा ) एम के यादव, प्रिन्सिपाल चिफ कन्जारभेटर अफ फेरस्ट आरो हाग्रा रैखाथि हान्जानि गाहाइ सन्दिप कुमार, पिन्सिपाल चिफ कन्जारभेटर अफ फेरस्ट ( वाइलडलाइफ ) ऊ बिनय गुप्तामोनजों लोगोसे माखासे गोजू थाखानि बिबानगिरिफोरा बाहागो लाफैदों □

***खरं फोनांजाबनाय रंखान्थियारि खाबु बांहोनो भारतआ २० बिलियन डलार थिसनगोनः सर्वानन्द सनवाल***

फोरमायथिनायखौ नुनो मोनो । गाहाइ मन्थि नेरेन्द्र मदिनि दैदेन्नायाव भारतआ जौगालु आरो गावनि सायाव गाव गसंथानारयनि थॉंखिजों सिगांलांगसिनो दङ। गावखौनो हमथानो हानाय गोहो, गसंथानाय गोहो आरो बायदि बिथिडव खोनांजाबनायजों भारतआ खरनि सोररथाइआरि फोजौखौनाय आरो गावआरि खोन्दोनि फालांगियाखौ गोरैले खालामनारय बिथिडव गोबां रहा लागोन होन्ना मिर् मन्थिआ फोरमायदों । सनवालआ भारत गेजेरारि–इउरफ रंखान्थियारि करिदर, सान्जा सागरारि करिदर आरो मुलुगनाडरि सा–खोला रोगाथाइ करिदर बायदि गोजू थाखोनि करिदरजों सागरारि फोनांजाबनाय आरो जागय राहाखौ गोहो गोर खालामनाय आयदाखौबो मख’दों । बेनि अनगायैबो सनवालआ गासैबो नाजानायफोरखौ जाफुंसार होनो थाखाय भारतआ मालतिम’ डेल लजिस्टिक, खरं फोनांजाबनाय आरो फालांगियारि खाबु बांहोनायाव गोसो होसिन्नानै जौगांखौनायनि थाखाय २० बिलियन मारंकन्त डलार गनार्यथि होनायनि खोथा होनायखौ नुनो मोन्दों । भारतआ जेब्लायाबो फोथाइथाव आरो बादायारि, बेखौ थॉंखि लानानै लाश्त्रियै खामानि मावबोगसिनो दङ। जर’खा माखासे हादररि खान्थिजों फलांगि खालामनायाव मुलुगनाडरि थाखोआव बायदि कौशलफोरखौ फोजौखौनारयनि गेजेरजों २०४७ मायथाइनि गेजेरव भारतखौ मुलुगनि दर ५ जाहाज बानायाग्रा हादरफोरनि गेजेराव जर’खा मासि आवग्रिनो थॉंखि लादों होन्ना मिथिहोबावदों । भारतआ सोमखोर हाइड्रजेन आरो बनि दिहुन्थाइआव हेफाजाब खालामनो आरो सागरारि बिथिडव कामुबा बाहायनरयनि लामाखौ दिन्थियारि जानो मोन्थाम सोमखोर हाइड्रजेन हाब, खरं–खान्दला, थुतिकरिम आरो पारादिपपर आरो पारादिपपर फोजौखौदों । जौगालु हादरफोरखौ बिसोरनि गोहो सोलायहोनायाव हेफाजाब खालामनारयनि थॉंखिजों आइएअ’नि ग्रिन भयेज २०२५ रहाखौबो भारतआ गोग्गाथावै दैदेनगासिनो दङ। जाहाज दिहुन्थाइनि थाखाय गाहामसिन जायगा, जर’खा जथुम्मायाव भारतनि जाहाज दिहुनग्राफोरखौ थान्दैफोरजों सिनायथि होनाय जायो । जथुम्मायाव भारतनि गोदान जुगुनि जाहाज दिहुन्थाइनि थाखाय मुलुगनि गिबि सारिनि मिर्आव महर होनारयनि सायाव गोनांथि होनाय जायो । बेनि सोमोन्दै भारतआ मावोरै गावनि रों

# गाहाम देहानि राहा

## तुलसिनि काढाया इमिउनिटिखौ गोख्रौ खालामो



करना भाइरासनि अमिक्रन भेरिएन्टिनि केसआ गोख्रैयै बांगासिनो दङ। बेबादिआव इमिउनिटिखौ गोख्रोडै लाखिनो थाखाय जानाय-लोंनायनि सायाव जर'खायै नोजोर लाखिनाया गोनां जायौ। इन्फेक्सननिफ्राय रैखा मोनहोनो तुलसिनि काढा लोंनायाबो मुलाम्फा गोनां। तुलसि बिलाइफोराव थानाय मुलिनि गुणआ माखासे बेरामफोरनिफ्राय रैखा खालामो। बेजों इमिउनिटिआ गोख्रों

जागोन। गगा मोन्नाय आरो गुजुनायनि जेंना दङब्लाबो तुलसिनि काढाआ गाहाम खालामगोन। बेयो गोदोनायाव इन्फेक्सन जानाय, थाबथा-थाबथा मोन्नाय आरो गोदोना मान्नायनि जेंनाखौ जानगार खालामो। तुलसिनि काढा खालामोनो थाखाय तुलसि, गलमुरिस, लं, मुलेठी, तेजपात, गुड, बेफोर बेसादफोरखौ उनगिलनानै बेयाव गिलाससे दै होनानै फुंदुंगाँगौ। सासे सुबुनि थाखाय

बे बिबाडा थोजासे। बेखौ गथ 'फोरनो होनोब्ला सामुसनैल' होनांगौ। बेयो इमिउनिटिखौ गोख्रों कालामनायजों लोगोसे गोदोना मान्नायखौबो जानगार खालामगोन। जाय सुबुंफोर्नाव एसिडिटीनि जेंना दङबिसोर बे काढाखौ लोंनो नाडा। तुलसिनि काढाआ डाइजेसनखौ गोख्रोडै लाखियो। बेयाव थानाय गलमुरिस, तुलसि आरो लंनि एन्टि-इनफ्लेमटरी गुणआ नोंथांनो मुलाम्फा होगोन। अदेबानि तुलसिआव एन्टि माइक्रबिएल गुण थायो, जायजों नोंथाडा मुलाम्फा मोनो। बेजों इमिउनिटिआ बारायनानै नोंथांखौ जायखि-जाया इन्फेक्सननिफ्राय रैखा खालामगोन।

थांनाय 10

एप्रिलखालि गासै हादतनि सिनेमा हलफोराव सानि देअलनि स्टारनि 'जाट' सावथुनखौ रिलिज खालामनाय जादोंमोन। साउथ सिनेमानि दिथागिरि गपिचन्द मालिनेनिनि बिथोन होनायाव बानाय जानाय मास-मासाला एक्सन थ्रिलार नायगिरिफोरखौ गोबां एन्टरटेन खालामदों। बेल' नडा बक्स अफिसआवबो जाट सावथुना मोजाडै दिन्थिफुंनो हादों। थिएटर्सनि उनाव आथिखालाव 'जाट' सावथुना अटिटिआव दोहौ सोमजि होनो थाखाय फैबाय। सानि देअलनि बे सावथुनखौ अनलाइन रिलिज खालामनाय जाबाय। 2023 आव नुजाथिनाय गदर 2 सावथुनिनि मोजाडै जाफुंसारनो हानायनि उनाव सानि देअलआ जाट सावथुनिनि गेजेरजों बे



बोसोराव नुजाथि फैफिन्दोंमोन। बे पेन-इन्डिया सावथुनिनिफ्राय नायगिरिफोरा गोबां मिजि दंमोन आरो बे सावथुना बे बिथिडाव थारैनो जाफुंसारनो हादों।

अडियन्स आरो क्रिटिक्सनि फारसेनिफ्राय जाट सावथुना पजिटिभ रिस्यन्स मोन्दोंमोन, जाय बेनि जाफुंसारनायनि जाहोन जादों। आथिखालाव

जाट सावथुना अटिटिआव नुजाथिबाय, मुंदांखा अटिटि प्लेटफर्म नेटफिल्क्सआव 5 जुननिफ्राय बेखौ अनलाइन स्ट्रिम खालामनाय जाबाय। जुदि

## दान्थे-बिदान्थेनि गेजेराव कमल हासननि ठाग लाइफआ रिलिज जाबाय

कमल हासन, मणिरत्नम, आर. महेन्द्रन आरो शिव आनन्तनि 'ठाग लाइफ' आ दिनै 5 जुनआव सिनेमा हलफोराव रिलिज जाबाय। कमल हासननि अनगायैबो सिलम्बरसन टिआर, त्रिश, अभिरामी आरो नासिरखौ सावथुनाव गाहाइ बिफावफोराव नुनो मोन्नाय जादों। बावैसो सावथुनखौ लानानै मोनसे दान्थे-बिदान्थे जागायजेन्दोंमोन जेब्ला कमल हासनआ 'ठाग लाइफ' नि फोसावनायनि समाव रावनि सायाव बिबुंथि होदोंमोन। 28 मेआव, चेन्नाइआव मोनसे हाबाफारिनि समाव बिथाडा बुंदोंमोनदि, 'कन्नड्नि जोनोमा तामिलनिफ्राय जादोंमोन।' बिथानि बिबुंथिया गोब्राब फिनजाथाय मोन्दोंमोन। सावथुना मोनसे एन्काउन्टरजों जागायजेनो। कमल हासनआ सासे गेंगस्टर। सावथुनाव फ्लैशबैकफोरखौ गोसोम आरो गुफुर गाबजों दिन्थिनाय जादों। महेश मान्जरेकारआ सावथुनाव सासे दैदेनिगिरि जानायजों लोगोसे सासे गेंगस्टरनि फाव खालामदों। सावथुनिनि सल'आ दिल्लीयाव बिथा खालामजानाय। कमल हासनआ महेश मान्जरेकारनि बियादैखौ बुथारखानायनि उनाव जेलाव थाडे आरो गासैबो गोहोखों




सिलाम्बरसन्नो गथायना होयो, जायनि जाहोनाव गोहोनि जुजिलायनाय जायो। त्रिश कृष्णनआ कमल हासनजों लोगोसे फावबुंगुरनि अन्जालि बिसिनि फाव दिन्थिनाय मोनसे बेकस्ट'री दङ। आली फजलआबो मोनसे गोहोगोरा फाव दं। सावथुनिनि सल'आ सिलाम्बरसन बनाम कमल हासन जायो बियो गोहो आरो खिथेर होखारनायनि दावहा। नैथियाव सिलाम्बरसनआ थोजासे जायगा मोनाखै। मणिरत्नमनि दिथाहोनावनिफ्राय मोनसे गोदान मिजि दंमोन, नाथाय बेयो रोखोमसे गोजाम गेंगस्टर ड्रामा।

## असमीया सावथुना अटिटि प्लेटफर्मफोरनिफ्राय गोसो बोनो नाजागासिनो

असमीया सावथुना आथिखालाव मोनसे रंजाथाव थाखोनि गेजेरजों थांगासिनो, जायनि आखुथाइया गले-गले गोदान रिलिज, बाखायजानाय सावथुन, उदां मावथांखिफोर आरो मुंदांखा फावबुंगुरफोर। बे जौगानाया दारिमिननि थाखाय गोबाव समनिफ्रायनो हास्थायनायखौ आबु खालामनाय बायदि नुनो मोनो। अब्लाबो, नायगिरिफोरा गले गले नागिरना मोनोदि मेनस्ट्रिम अभार-द-टप (अटिटि) प्लेटफर्मफोरा सिमा गोनां असमीया आयदा जगायो। एमाजन प्राइम भिडिअ आरो सनीलिभ बायदि प्लेटफर्मफोरा माब्लाबा-माब्लाबा असमीया सावथुनफोरखौ दिन्थियोब्लाबो सायख 'नायफोरा दाबो जोबोद सिमागोनां। रीलड्रामा बायदि प्लेटफर्मफोरा मोनसे बालानाय नायगिरिफोरखौ सिबिथाय होयो, गुबैयै राइज्योनि बायजोआव थानाय असमीया हरिफोरनि गेजेराव। बबेखानि, गोबां सिनेफाइलफोरा बेफोर प्लेटफर्मफोरनि बागै सांग्रांथिनि मोनसे मख'जाथाव आंखालखौ

फोरमायो। असमीया सावथुनफोरनि अनलाइन खाबुआ बांनायनि उनावबो नायगिरिफोर आरो ओन्सोलारि अटिटि प्लेटफर्मफोरनि गेजेराव सोमोन्दोआ दासिमबो लोरबां। दिल्लीयाव थाग्रा रन्जना गगैआ बुंदोंमोन, 'आं रीलड्रामानि सोमोन्दै अब्लासो सोल्लोंदोंमोन, जेब्ला सासे लोगोआ बेखौ लाबोदोंमोन। बिन सिगां आंहा जेबो मिबिथियामोनदि असमीया सावथुन आरो फारिफोरखौ अनलाइनआव मोन्नो हाथावमोन। बेंगालरनि सासे जिउराहायारि मेघली डेकाआ माखासे मोनदांथिखौ फोरमायदोंमोन। 'आं दुरदर्शनआव बिहुनि समाव असमीया सावथुनफोरखौ नाययोमोन। आथिखालाव आं बेफोरखौ अनलाइन नागिरना दिहुन्नो गोब्राब मोनो। जुदि बेफोर प्लेटफर्मफोरा दं, अब्ला बिसोरनो साबसिन फोसावनायनि गोनांथि दङ, जाहाथे जों बायदि सुबुंफोरा ओनसोलारि आयदाफोरखौ रंजानो हायो। नायगिरिफोरा नुनो मोन्नाय आरो फोसावनायनि



आंखालखौ नोजोर होयोब्लाबो सावथुन दिहुनगिरिफोरा अटिटि प्लेटफर्मफोरखौ मोनसे मिर्जिथिथाव खाबु आरो बेबादि मोनसे महरै नायो जायखौ दासिमबो जौगानायनि गोनांथि दं। गिदिर नायगिरिफोरजों सोमोन्दो लाखिनो हानाय गोहोआ रोखा नाथाय बांसिनानो बाहायजाया। दिथागिरि आरो फावबुंगुर केनी बसुमतारिआ बुंदोंदि, 'अटिटि प्लेटफर्मफोरा दासिमबो मख'जाथाव जेंनाफोरजों मोगा-मोगि जानांदों। मोनसे फिसा हान्जायाल' रीलड्रामा बायदि प्लेटफर्मफोरनि बागै मिबिथिगो, बबेखानि बांसिन नायगिरिफोरानो गोमोथाव। बिथाडा गोख्रोडै बुंदोंमोनदि, माखासे गोसो जानायनि उनावबो बे प्लेटफर्मफोरा बेखौ

लाखिनो थाखाय गोख्रोंसिन नाजानांगोन। आयदानि गुनआ गोरोबनाय जानांगोन आरो प्लेटफर्मफोरा सिगांनिफ्रायनो आबु जानायाव गावसोरखौ फाराग खालामनायनि गोनांथि दङ होन्ना बिथाडा बुंबावो। सावथुन दिहुनगिरि महर्षि तुहिन काश्यपआ बांसिन गुवारै बिबुंथि होदोंमोन। बिथाडा बुंदोंमोन, 'जेब्ला बे प्लेटफर्मफोरा गिबि खेब नुजादोंमोन, अब्ला जों सान्दोंमोनदि बिसोरो गोदान सल'फोर लाबोगोन आरो गोदान गारांफोरखौ जौगाहोगोन। काश्यपआ गोसो होनानै बुंदोंमोनदि, असमीया सावथुन दिहुनगिरिफोरनि थाखाय गावसोरनि खामानिखौ दिन्थिनो आरो नायगिरिफोरजों फोनांजाबनो थाखाय ओन्सोलारि अटिटि प्लेटफर्मफोरा गोनांथार। बिथाडा बे थासारिखौ केरालाजों रुजुदोंमोन, जेराव सावथुन दिहुनगिरिफोरा आयखौ रैखा खालामनो आरो राडारि दिदोमथिखौ रोखा खालामनो थाखाय थियेटरफोराव रिलिज जानायनि सिगां गले-गले अटिटि मोन्थायफोरखौ फानो, जुदि सावथुना बक्स अफिसआव मोजाडै दिन्थिफुंनो हायाब्लाबो। काश्यपआ असमीया सावथुनखौ औरैबायदि

बिन्दोसिम सौहैनो लुबैयो, जेराव अटिटि प्लेटफर्मफोरा सोरजिगिरिफोरनि थाखाय खाजोना आरो नुथायनि मोनसे फोथायजाथाव फुंखा जायो। जेरै- ओन्सोलारि अटिटि प्लेटफर्मफोरा फेहेरगासिनो दं, बिसोरनि दावबायनाया दासिमबो सोलिगासिनो दं। असमीया सावथुना डिजिटेल मुलुगाव जाफुंसार जानो थाखाय गुनगोनां आयदा दिहुन्नायनि अनगायैबो प्लेटफर्मफोर आरो नायगिरिफोरनि गेजेराव सोलोआरि फोसावनाय, बांसिन बिथायारि सानज'थाय आरो गोख्रों बाहागोआरि थानाया गोनांथार। बसुमतारिआ बुंदोंमोन, 'प्लेटफर्म रीलड्रामायाव सिगांनिफ्रायनो मुलुगनां नुजाथिनाय दं। बेयो सल'फोर लाबोगोन आरो गोदान गारांफोरखौ जौगाहोगोन। काश्यपआ गोसो होनानै बुंदोंमोनदि, असमीया सावथुन दिहुनगिरिफोरजों बांसिन फोसावनाय हाबाफोरफोर, गुबैयै समाजारि बिजोंनि गेजेरजों नायगिरिफोरनि बिथाखौ बांहोनायाव मदत होगोन। गात्रि नुथाय आरो एसेल' राडारि फुंखाफोर बायदि सोलिबाय थानाय जेंनाफोरनि गेजेरावबो सावथुन दिहुनगिरिफोरा मिर्जिथिना दङ। असमीया सावथुननि डिजिटेल इयुनखौ जोबोद मिर्जिगोनां नुनो मोनो, नाथाय आबु जाफुंसार जानो थाखाय आयदा सोरजिनाय, मार्केटि' आरो नायगिरिफोरजों ओंथिगोनां मुलुगनां सोमोन्दो गायसन्नायाव सोलिबाय थानाय नाजानायनि गोनांथि जागोन।

## प्रियंका चप्रा आरो जन सीनानि हलिउड सावथुन 'हेड्स अफ स्टेट' आ मिनिथाव आरो एक्शन गोनां

प्रियंका चप्रा आरो जन सीनानि फाव खालामनाय सावथुन 'हेड्स अफ स्टेट' आ 2 जुलाइआव प्राइम भिडिअआव प्रिमियार जागोन। रिलिजनि आसा खालामनानै दिहुनगिरिफोरा मोनसे गोदान ट्रेलार फोसावदों, जाय सावथुनिनि एक्शन आरो मिनिथाव आखुथायफोरखौ दिन्थियो। बे सावथुना जुथाइ राइज्यो आमेरिकानि हादरगिरि आरो इन्साइटेड किङमनि गाहाइ मन्थिखौ दिन्थिनाय मोनसे एक्शन-कमिडि, जायफोरा मुलुगनां फावफान्दायनायखौ होबथानो आरो ग्रहखौ रैखा खालामनो थाखाय गावसोरनि गोरोबलायैफोरखौ आलादा दोन्नायनि गोनांथि दङ। बेयो



मिनिथावनाजों गोसो गुदुं एक्शनखौ गोरोबहोयो, जाय 90 जिथाइनि लोगो एक्शन कमिडिफोर बायदि मोनसे रंजाथाव मोनदांथि होयो। इल्या नेशुल्लरजों दिथाहोजानाय बे सावथुनाव इद्रिस एल्बा, जन सीना, प्रियंका चपड़ा जनास, काला गुगिन', जेक कायड, स्टीफन रुट, सारा नाइल्स, रिचार्ड कायल आरो पेडी कन्सिडाइन बायदि

फावगिरिफोरखौ नुनो मोनगोन। बे सावथुना 'दा सुइसाइड स्क्वाड' आव गावसोरनि सिगांनि हेफाजाबनि उनाव जन सीना आरो इद्रिस एल्बाखौ ज' खालामफिनो। मख'नो गोनांदि, ब्रिटेननि गाहाइ मन्थि सेम क्लार्क (इद्रिस एल्बाजों फाव खालामजानाय) आरो आमेरिकानि हादरगिरि विल डेरि'गार (जन सीनाजों दिन्थिफुंजानाय) मोनसे

## आमिर खानआ 'सितारे जमीन पर' सावथुननि रिलिजरवौ लानानै जिंगा सिदों



आमिर खाननि 'सितारे जमीन पर' आ 2025 माइथायनि बयनिखुइ बांसिन नेजानाय सावथुनफोरनि गेजेराव मोनसे। मानोना बलिउडनि सुपारस्टार आमिर खानआ गाहाइ फावआव दं आरो लाल सिंह चड्ढानि उनाव फैफिनगासिनो। बे सावथुना 20 जुन, 2025 मायथाइयाव रिलिज जागोन। आथिखालाव मुम्बाइ सावथुन बेंखननि गोदानसिन आपडेटनि बायदिब्ला, आमिरआ नेटफिल्क्सनिफ्राय गावनि फैगौ सावथुनखौ थोंजोडेअटिटि प्लेटफर्मआव स्ट्रीम खालामनो थाखाय 125 कौटि जासिनायखौ नेवसिगारदों। थियेटरनि रोंमोन्दांथियाव गावनि गोख्रों फोथायनायनि थाखाय मिबिथिजानाय सासे फावबुंगुरआ दोरोडारि गिदिर स्क्रीन रिलिजनि सायाव गोसो होदों आरो मुलुगनाडैनो मोनसे गिदिर बिर्बानि रिलिजजों दावगालांगोन। बे साहसगोनां आगानआ

सिनेमा हलफोरनि जादुखौ सरैखा खालामनो आमिरनि रादाइखौ दिन्थियो, गुबैयै बै समाव जेब्ला गोबां सावथुनफोरा अटिटि जागायजेन्नायनि थाखाय सायख 'गासिनो दं। बेयाव जों साहसगोनां आगान लानाय एबा बांद्राय फोथायथिनि सायाव रायज्जालायासिनो, मानोना फालांगियारि नोजोरजों बे समाव सावथुनिनि सोमोन्दै जायखिजाया बिबुंथि होनाया समनि सिगां जानो हागौ। सासे दिहुनगिरि महरै आमिर खानआबो फालांगियारि बिथिडाव गोसो होगोन आरो जुदि सावथुना बक्स अफिसआव मोजाडै दिन्थिफुंनयाव फेलें जायो आरो लाल सिंह चड्ढा बायदि फ्लप जायो, अब्ला बेयो बिथानि थाखाय मोनसे मख'जाथाव खहा जागोन। गुबुन फारसेथिं, जुदि सावथुना अटिटिआव रिलिज जायो, अब्ला एकाउन्टआव एसेब्लाबो थि बिबां जमा जागोन आरो नायगिरिफोरा समाजआरि बिजोंआव मोनसे गोसोआरि सावथुनि सायाव सावशयनाया आरोबाव मुलाम्फ जानो हागौ। आथिखालाव गासैबो आमिर खाननि सावथुना थियेटरफोराव माबोरै दिन्थिफुंडे बेनि सायाव सोनारो।

## मुंदांखा रेपार एमिनेमआ मेटानि सायाव 900 कौटि रांनि केस थिसन्दों

मुंदांखा आमेरिकानि रेपार एमिनेमआ फेसबुक, इन्स्टाग्राम आरो व्हाट्सएपनि पेरेंट कम्पनी मेटानि हेंथायै 900 कौटि रांनि केस थिसन्दों। एमिनेमनि दाय जाबसिन्नाय बायदिब्ला, मेटाआ गावनि गनायथि गैया लासै गावनि मेथाइफोरखौ बाहायदों। बे केसखौ डेट्रायटनि फेडरल कर्टआव बिथानि पाब्लिसिं कम्पनी, एट माइल स्टाइलआ थिसन्दों। बे केसआ मेटानि मिउजिक लाइब्रेरि आरो इनस्टाग्रामनि रिल्स रिमिक्स बायदि फिचर्सजों लोब्बा दं, जेराव एमिनेमनि मेथाइफोरखौ लाइसेन्स गैया लासै बाहायनायाव जादों। केस थिसन्नायाव दाबि दैखानाय जायोदि, मेटया एमिनेमनि मेथाइफोरखौ गावसिनि मिउजिक लाइब्रेरिआव होफादेरदों आरो इउजारफोरा बेखौ रिल्स रिमिक्स आरो अरिजिनेल अडिय बायदि



टुल्सनि गेजेरजों बाहायदों। बेनि जाहोनावनो बिथानि मेथाइफोरा लाख लाख भिडिअफोराव बाहाय जादों आरो गोबां खेब स्ट्रिमबो

# 54थि बेटालिअन सशस्त्र सीमा बलआ 'बुहुमनां आबहावा सान फालिदों

बिजनी, 5 जुनः 54थि बेटेलिअन सशस्त्र सीमा बलनि कमान्डेन्ट नवीन कुमारनि दिथायाव भारत-भुटान गेजेर हायुंआरि सिमानि रैखाथिनि थाखाय थिसनजानाय गासैबो सिमा आउटपस्टफोरा दिनें 'बुहुमनां आबहावा सान' फालिदों। 'बुहुमनां आबहावा सान' फालिथायाव कर्पसनि गाहाइ मावख'आव मोनसे बिफां गायनाय हाबाफारि खुंनाय जायो जेराव 54थि बेटालिअननि नैथि कमान्डि अफिसार भिक्रम सिंह आरो गासैबो मावख'गिरिफोर, गाहाइ मावख'गिरिफोर, रौनिया हान्जानि गुबुन मावथिफोरा कर्पस केम्पासआव गुवारै बिफां गायो। हाबाफारियाव गासैबो मावफारियाफोरखौ गावसोरनि न'आव लाथिख'दाखोर-दाला सामलायनायनि सोमोन्दै सांग्रां खालामनाय जादोंमोन। कमान्डेन्टआ गासैबो मावथिफोरनो आबहावा रैखाथिनि खौरां होनायजों लोगोसे बिफां गायनायखौ



जिउनि मोनसे गोनांथार बाहागो बानायनो खावलायदों। बिथाड बुंदोंदि, आबहावाखौ रैखाथि होनायाव बिहोमा होनाया साफ्रोमबो नोगोरारिफोरनि बिबान। मुलुग आबहावआ साननि फालिथायाव कर्पस गाहाइ मावख'आव संदीक्षा नख'रनि सोद्रोमाफोरजों गोबां बिबांनि बिफां फुलि गायनाय जायो। हाबाफारिनि समाव संदीक्षा नख'रनि गासैबो सोद्रोमाफोरखौ 54थि बेटेलिअननि संदीक्षानि आफादगिरि श्रीमती नुपुर

कुमारीआ गावसोरनि न'आव लाथिख'दाखोर-दाला सामलायनायनि बागै मिथिहोदोंमोन आरो बिथाड गावनि बिबुंथियाव बुंदोंदि, बे जथाय नाजानायाव गोबां सायख्लुम आरो फिथाइ-सामथाइ गोनां बिफांफोर गायनाय जादों। जायनि थांखिया आबहावायारि समानथि लाखिनाय आरो फैबाय थानाय जौलैफोरनो मोनसे साखोन-सिखोन आरो सोमखोर आबहावा होनाय। बे हाबाफारिखौ 54थि

बेटालिअननि गासैबो रौनिफोराबो बाहागो लादोंमोन। जेराव ओन्सोलनि नोगोरारिफोर आरो फरायसाफोरनि हेफाजाबाव बिसोरनि केम्पास, फरायसालि आरो गामियाव गोबां बिफांफोर गायनाय जायो। बे फालिथायाव फरायसाफोरखौ लानानै बाथ्रा दान्थे बादायलायनाय आरो सोंगाब बादायलायनाय आरो गथ'फोरनि थाखाय सावगारि आखिनाय बादायलायनाय खुंफुंनाय जादों।

## फ्रेन्स अपेन 2025: 361थि रैंकिंग वाइल्ड कार्ड गेलेगिरि लयस बयसनआ गिबि खेब सेमिफाइनलआव



पेरिस, 5 जुनः फ्रेन्स अपेन 2025 आव मुलुगनां 361 रैंकिंग वाइल्ड कार्ड गेलेगिरि लयस बयसनआ गावनि केरियारआव जारिमिन सोरजिनो हादों। बिथाड ग्रेन्डस्लेम टुर्नामेन्टआव गावनि केरियारआव गिबि खेब सेमिफाइनलसिम सौहैनो हादों। फ्रान्सनि वाइल्ड कार्ड गेलेगिरि बयसनआ 6थि रैंकिंग मिरा आन्ड्रिवाखौ 7-6, 6-3 सेटजों फेजेन्नानै फ्रेन्स अपेननि आइजोफोरनि हारसिं बादायलायनायनि सेमिफाइनलसिम जायगा आवग्रिनो हादों। 22 बोसोर बैसोनि बयसनआ 1989 नि उनाव गावनि डेब्यु ग्रेन्डस्लेमआव सेमिफाइनलसिम सौहैनो हानाय गिबि आइजो गेलेगिरि जानो हादों। बै समाव मनिका सेलेज आरो जेनिफार केप्रियाटीमोनहा बाख्यायथाव गेलोनानै दिन्थिनो हादोंमोन। बिसोरो 1999 माइथायाव एमीलि मेरेजमनि उनाव ग्रेन्डस्लेमनि सेमिफाइनलआव सौहैनो हानाय फ्रान्सनि बयनिखुइ लाइमोन गेलेगिरि जानो हादोंमोन। बेराफासं बयसनआ 2011 आव मेरियन बार्टलीनि उनाव गावनि हादतआव ग्रेन्डस्लेम टुर्नामेन्टनि सेमिफाइनलसिम सौहैनो हानाय फ्रान्सनि गिबि आइजो गेलेगिरि जानो हानाय दुलाराय हादतनि गेलेमु अन्साइगिरिफोरनि गेजेराव जायगा आवग्रिनो हादों। बेजों लोगोसेनो बयसनआ 1999 आव एमीलि मेरेजमनि उनाव बे टुर्नामेन्टनि सेमिफाइनसिम सौहैनो हानाय बयनिखुइबो बाइइ बैसोनि फ्रान्सनि गेलेगिरि जानो हादों। बबेखानि बिथाड माखासे जारिमिन रेकर्डबो खालामदों। 2017 नि उनाव जायखि-जाया मेजर टुर्नामेन्टआव बयनिखुइ खमसिम रैंक थानाय सेमिफाइनलिस्टबो जानो हादों। बेनि अनगायैबो बिथाड 1968आव अपेन एरनि जागायनायनि उनाव फ्रेन्स अपेनआव गिबि वाइल्ड कार्ड सेमिफाइनलिस्ट जानो हादों। मेचनि उनाव बयसनआव 2 घन्टांनि बांसिन सम सोलिनाय बादायलायनायाव गावखौ जेबजासिम मदत होफानाय फ्रान्सनि साफ्रोमबो अन्साइगिरिफोरनिसिम गोसो गोबोंनिफ्राय साबायखर जासिदों। बयसनआ फ्रेन्स अपेन 2025 नि सेमिफाइनलखौ कक गौफजों बादायलायगोन आरो बिथाड डेब्यु ग्रेन्डस्लेमनि फाइनलसिम सौहैनो थाखाय गोब्राब नाजागोन।

## जाब्रबथाइआव जिउ गोमानाय नख'रफोरनो 10 लाख रं अन्सुंथाइ होनो फोसावबाय आरसिबिआ

गोदान दिल्ली, 5 जुनः इन्डियन प्रीमियर लीगनि 18थि सिजननि फाइनल बादायलायनायाव आरसिबिनि हान्जाया पान्जाब किंसखौ 6 रानजों फेजेन्नानै गिबि खेब आइपिएलनि ट्यूफीखौ देहानायाव जाफुंसार जानो हादोंमोन। आरसिबिनि देहानायनि उनाव बिसोरनि अन्साइगिरिफोरा गोबां खुसि जादोंमोन। बेराफासं आरसिबि हान्जाखौ बरायनो थाखाय मोनसे गेदेर भिक्टी फेरेड हाबारिखौ लानाय जादोंमोन। 4 जुनखालि जेब्ला आरसिबिनि हान्जाया बेंगालुरुसिम सौफैयो बेनि उनाव बिधान सौडानिफ्राय लानानै एम सिन्नास्वामी स्टेडियमसिम भिक्टी फेरेड जानो गोनांमोन। जेराव लाख-लाख सुबुंफोरा बाहागो लाहदोंमोन। लाख-लाख सुबुंफोरनि थुबुर जानायाव

अन्साइगिरिफोरनि होंगों-दोंगोजों बे भिक्टी फेरेडआव गासै सा 11 सुबुंफोरा जिउ गोमानो गोनां जायो आरो गोबांआनो जोखोम जायो। बे जाब्रबथाइआव जिउ गोमानाय सुबुंफोरनि नख'रनो आरसिबिआ रंखाथि अन्सुंथाइ होनो फोसावबाय। आरसिबिआ 5 जुनखालि बेंगालुरुआव जाथाय जानायखौ लानानै गावसोरनि मावखुलि बिबुंथियाव फोस्मायथि होदोंदि, बे जाथायाव जिउ गोमानाय सुबुंफोरनि नख'रफोरनो 10-10 लाख रं खहा सुफुंथाइ होनाय जागोन। लोगोसे जाथायनि सायाव दुखु फोस्मायनानै जोखोम जानाय गुबुन सुबुंफोरखौ फाहमथाइ होनायनि थाखायबो आरसिबि केयार मुनि मोनसे फसंथान दानानै होनाय जायो। आरसिबि टीमनि बे भिक्टी फेरेडआव सोमजिनाय जाथायखौ भिरट कहलीआबो दुखु मोन्नाय फोस्मायदों।

## लामानि थुनफावथाय, बिफां गायनाय आरो सांग्रांथि हाबाफारि लादों चिरां जिल्ला खुंथाइआ

बिजनी, 5 जुनः मुलुगनां आबहावा सान फालिनायजों लोब्बा लाखिनानै चिरां जिल्ला खुंथाइआ समाजआव गोहोम गोनां सांग्रांथियारि हाबाफारि लादों। फरायसाफोर, फोरोंगिरिफोर आरो मावख'गिरिफोरनि गोसो गुदुं बाहागो लानायजों सरकारि मावख'फोर आरो सोलोंथायारि फसंथानफोराव जिल्लानाडे बिफां गायनाय हाबाफारि खुंनाय जादों। ए.डि.सि. सिल्पिका कलिताआबो बे हाबाफारियाव बाहागो लानानै आबहावा रैखा खालामनाया आरो सोमखोर मिथिगा सोरजिनोगौनि थाखाय खुंथाइनि थांखिखौ मिबथि होयो। प्रेरना एन.जि.अआ "नदिर अक्सुख" मुनि मोनसे



गोसो बोनो हाथाव लामानि थुनफावथायखौ दिन्थिफुंनाय जायो। हारिमुआरि आयदा बिफान, हाग्रा बिफान आरो जिल्ला खुंथाइजों जथायै खुंजानाय बे दिन्थिफुंनायनि थांखिया प्लास्टिक गुबुंले जानायनि खैफोदनि बागै सांग्रांथि लाबोनाय। बिजनीनि बर'बाजार गोजौसिन गेजेरारि फरायसालियाव लामानि थुनफावथाया फरायसालिनि

# आइपिएल 2025 आव सोर गेलेगिरिआ बांसिन रं आरजिनो हादों बांसिन रं आरजिनो हानाय टप 5 गेलेगिरिफोर

गोदान दिल्ली, 5 जुनः भारतनि मोनसे मुंदांखा फालांगियारि क्रिकेट टुर्नामेन्ट इन्डियन प्रीमियर लीग 2025 नि 18थि सिजनआ बावैसो सान सिगां जोबलांदों। जेराव आरसिबिआ पान्जाब किंसखौ फाइनलआव फेजेन्नानै गिबि खेब सेम्पियन जानो हादों। बे समाव आइपिएलनि जारिमिनआव बांसिन रं आरजिनो हानाय गेलेगिरिफोरनि मुं फारिलाइआ सोराडव फैदों। आइपिएलनि जारिमिनआव बांसिन रं आरजिनो हानाय गेलेगिरिफोरनि टप-5 फारिलाइनि गिबि सारियाव दड भिराट कहलीनि मुं। आपिएल सेलारिनि बयनिखुइ बांसिन रं आरजिनो हाग्रा नम्बर 1 गेलेगिरिआ जादों भिराट कहली। बिथाडा 2008 निफ्रायनो आरसिबिनि थाखाय गेलेबोदों आरो दासिम आइपिएलनि केरियारआव भिराट कहलीआ गासै 207.96 कौटि रं आरजिनो हादों।



आइपिएल 2025 नि थाखाय आरसिबिआ भिराट कहलीखौ 21 कौटि रंआव रिटेन खालामदोंमोन। बेनि उनाव एमएस धनी। गावनि केप्टेननि दैदेन्नायाव चेन्नाइ सुपार किंसखौ 5थि खेब बिमुं देहाहोनो हानाय एमएस धनीनि मुंआ 2थि सारियाव दड। बबेखानि एमएस धनीआ आइपिएल जागायनायनिफ्राय दासिम 205.34 कौटि रं आरजिनो हादों। बबेखानि 2025 नि थाखाय धनीखौ सिएसकेआ 4 कौटि रंआव रिटेन खालामदोंमोन। 3थिआव बयनिखुइ बांसिन रं आरजिनो

हानाय गेलेगिरिफोरनि गेजेराव 204.90 कौटि रंआव रिहिट शर्मानि मुंआ दड। मुम्बाइ इन्डियान्सआ दासिम 5थि खेब सेम्पियन जानो हाखांबाय। रिहिट शर्मानि केप्टेन दैदेन्नायावनो मुम्बाइ इन्डियान्सआ आइपिएलनि सेम्पियन जानो हादों। 2025 नि आइपिएलनि थाखाय मुम्बाइ इन्डियान्सआ रिहिट शर्मांजों 16.30 कौटि रंआव रिटेन खालामदों। आइपिएलनि जारिमिनआव बांसिन रं आरजिनो हानाय गेलेगिरिफोरनि 4थि सारियाव दड 127 कौटि रंआव रिभन्डर जाडेजानि मुं। जाडेजाआ 2012

निफ्राय चेन्नाइ सुपार किंसनि सासे गोनांथार गेलेगिरि महरै गेलेबोदों। बिथाडा गावनि आइपिएल केरियारआव दासिम गासै 127 कौटि रं आरजिनो हाखांबाय। आइपिएल 2025 नि थाखाय सिएसकेआ जाडेजाजों 18 कौटि रंआव रिटेन खालामदों। आइपिएलनि जारिमिनाव बयनिखुइ बांसिन रं आरजिनो हानाय टप-5 फारिलाइनि 5थि सारियाव थानो हादों बाइजो हादतनि गेलेगिरि सुनल नारेणआ। बिथाडा आइपिएलनि जारिमिनाव दासिम 119.02 कौटि रं आरजिनो हाखांबाय। टप-5 फारिलाइआव सासेल' बाइजो हादतनि गेलेगिरिआ जायगा मोन्नो हादों। वेस्ट इन्डिजनि गेलेगिरि सुनिल नारेणआ केकेआरनि सासे गोनांथार गेलेगिरि। बबेखानि दासिमाव सुनिल नारेणआ बयनिखुइ बांसिन रं आरजिनो हानाय गुबुन हादतनि गेलेगिरिनो जानानै दड।

## नेसन्स लीग सेमि फाइनलआव जार्मानीनि हेंथायै पर्तुगालनि देरहासार

स्पटर्स डेस्क, 5 जुनः जेबथा बुब्लिआव क्रिस्तियान रनाल्डनि गल सोनायनि मदतजों नेसन्स लीगनि सेमिफाइनलआव जार्मानीनि हेंथायै देरहासार जानो हादों पर्तुगाल हादतआरि फुटबल हान्जाया। थांनाय 4 जुनखालि जार्मानीनि मिउनिकआव थानाय मिउनिक फुटबल एरिनायाव जार्मानी आरो पर्तुगालनि गेजेराव नेसन्स लीगनि सेमिफाइनलखौ बादायलायदों। बे सेमिफाइनल बादायलायनायाव क्रिस्तियान रनाल्डनि गल सोनायनि हेफाजाबजों पर्तुगालआ जार्मानीनि हेंथायै देरहासार जानो हायो आरो फाइनलनि थाखाय जायगा आवग्रिनो हायो। मख'नाय जायोदि, बे सेमिफाइनल बादायलायनायाव



जार्मानीआ गिबि गल सोनानै मेचखौ आवगायहोनो हादोंमोन। जार्मानीनि थाखाय एफ उडैटसआ 48 मिनिटआव गिबि गल सोनानै मेचखौ माखासे मिनिट सम आवगायनो हादोंमोनब्लाबो नाथाय नैथि हाफआव पर्तुगालनि हान्जाया गोख्रोडे डिफेन्ड खालामनायनि गेजेरजों 63 मिनिटआव एफ कन्सिग'आ हान्जानि थाखाय गिबि गल सोनो हायो। बेनि माखासे मिनिट समनि उनावनो थामहिनबा 68 मिनिटआव रनाल्डआ हान्जानि थाखाय नैथि

गल सोनायजों मेचखौ देरहानायनि फासं लानो हायो। बेबादिनो मेचनि थिखानाय आबु' समसिम मोननैबो हान्जाया गल सोलाय बावनो हायैआव पर्तुगालआ 2-1 गलनि फारागथियाव जार्मानीनि हेंथायै देरहानानै नेसन्स लीगनि फाइनलसिम जायगा आवग्रिनो हायो। मख'नाय जायोदि, 40 बोसोर बैसोनि रनाल्डआ गावनि केरियारआव हादतनि थाखाय 137थि इन्टारनेसनेल गल सोनो हाबाय।

## फ्रेन्स अपेननि सेमिफाइनलआव हाबनो हाबाय नभाक जकभिसआ

पेरिस, 5 जुनः सारबियानि मुंदांखा टेनिस गेलेगिरि नभाक जकभिसआ खुंजागासिनो थानाय फ्रेन्स अपेन 2025 आव हौवाफोरनि हारसिं बादायलायनायाव सेमिफाइनल राउन्डसिम सौहैनो हाबाय। फ्रेन्स अपेनआव 101 थि खेब देरहानानै 24थि खेब ग्रेन्डस्लेम सेम्पियन जानो हानाय नभाकआ क्वार्टर फाइनल बादायलायनायाव 3थि सारिनि आलेक्जेन्डर जेरेबखौ मोनब्रै सेटआव 4-6, 6-3, 6-2 आरो 6-4 जों फेजेन्दों। बेखौ देरहानायजों लोगोसेनो जकभिसआ फ्रेन्स अपेनआव गावनि 101 मेच देरहानायखौ मोनफुनो हादों। 38 बोसोर बैसोनि जकभिसआ बे टुर्नामेन्टनि सेमिफाइनलआव मुलुगनि नम्बर-1 टेनिस गेलेगिरि यानिक सिनारजों बादायलायगोन। बिसोर सानै गेलेगिरिफोरनि



गेजेराव दासिम मोन 8 मेच बादायलायखांबाय। जेराव सानैबो गेलेगिरिफोरा 4-4 मेचखौ देरहानो हादों। इटालिनि टेनिस स्टार यानिक सिनारआबो क्वार्टर फाइनल बादायलायनायाव काजाकिस्ताननि आलेक्जेन्डर बब्लिखौ 6-1, 7-5, 6-0 जों फेजेन्नानै सेमिफाइनलनि थाखाय जायगा आवग्रिनो हादों। बे देरहानायजों लोगोसेनो सिनारआबो ग्रेन्डस्लेम टुर्नामेन्टआव गावनि देरहानायखौ लान्थ्रियै 19थि खेब लाबोनो हादों आरो नभाक जकभिसजों गिबि खेब सेमिफाइनल बादायलायगोन। बेराफासं आमेरिकानि गेलेगिरि कक गौफआबो गुबुन मोनसे क्वार्टर फाइनल बादायलायनायाव हादतनिनो गेलेगिरि मिडिसन किंसखौ 6-7, 6-4, 6-1 जों फेजेन्दों। सेमिफाइनलआव गौफआ फ्रान्सनि गेलेगिरि लइस बाइसंजों बादायलायगोन।